

# *KU KOTISA GAMA*

## *LOKO RI HAHLULA*

 A hi yimiseni xisweswi xinkadyana hi khongela.

<sup>2</sup> Hinkwato tinhlengeletano leti to hetelela, minkarhi hinkwayo ti titshuneta eka mina. Hi ndlela yin'wana, loko hi hlangana na un'wana ni ku tiseketela hi ku tolovelana, hikokwalaho ka yini, nakona ntsena hi sungula kuva na xinakulobye, kutani kuva kuri nkarhi wo ya kun'wana. Minkarhi hinkwayo swi ndzi nyika matitwele ya vusiwana. Kambe hi ku languta emahlweni, ndzi langutele siku leri hinkwerhu hi nga ta hlangana nakambe, nakona hi tava hi ri endhawini, nkarhi wun'wana, loko Yesu a nga vuya hi nga se hlangana nakambe emisaveni, laha hi nga taka hi nga ha, hi nga ha hambani nakambe.

<sup>3</sup> Ndza hlamala leswaku i vangani lava va lavaka ku tsundzukiwa eka Xikwembu, ndzhengha lowu, tani hilaha ha ha tlakusaka mavoko ya hina hi xikhongelo? Hosi a yi mi katekisi.

Hi nga korhamisa tinhloko ta hina ntsena xinkadyana.

<sup>4</sup> Xikwembu xa Matimba hinkwawo, Mutumbuluxi wa matilo na misava, na Mutsari wa Vutomi lebyi nga heriki, ni Munyiki wa nyiko yin'wana na yin'wana ya kahle, hi ta emindzhutini ya tintswalo ta Wena, hi xikhongelo, hi Vito ra Yesu, N'wana wa Wena, leswaku hi ta Ku nyika ku khensa hi nhlengeletano leyi ya kahle ya le Tulsa, laha yi vulaka swin'wana eka hina, ndhawu leyi yi nga etimbilwini ta hina laha hi nga taka hi nga va rivali vanhu lava va kahle. Hambi swi ri tano, Moya wa Wena lowo Kwetsima wu nga eka vona, wu vile xinakulobye xa njhani: ku khumbhiwa nyana hi Tilo evuton'wini bya hina, i ntokoto wa leswaku hi ngaka hi nga swi rivali. Ha khongela, Tatana, leswaku Moya wa Wena wu ta tshama eka vanhu lava minkarhi hinkwayo. Leswaku, kusuka eka vukona bya xihlengeletano lexi, byi endlaka mpfuxelelo wa ku faya u huma eka kereke yin'wana na yin'wana etikweni. Leswaku masingita lamakulu na swihlamariso swi nga ha hetiseka. Ha khongela, Hosi, leswaku U ta hi nyika swona swilo leswi.

<sup>5</sup> Lahawani a deskeni, ndzhengha lowu, ku na swidukwana na swiphemu swintsongo swa tinhundzu leswi swi yaka eka vavabyi ni lava va xanisekaka. Xikwembu xa Matimba hinkwawo, ndza Ku khongela, hi Vito ra Yesu, leswaku loyi a nga ta swikhumbha, loyi a vabyaka, leswaku va nga ha hanyisiwa; kungari leswaku ntsena-ntsena kova xikhongelo lexi xi nga xa mina, Tatana, kambe i xikhongelo xa odithoriyamu leyi leyikulu yi nga tala

hi Vakreste, ndzhengha lowu. Ha xi nyikela hi mbilu yin'we, eka vona lava va nga na xilaveko.

<sup>6</sup> Hosi, ha khongela leswaku U ta hi katekisa eka ku yisa emahlweni eka ku titoloveta ka siku leri. Hi khongeleta tikereke, vusiku lebyi. Leswaku ku nga hava na ku kwetsima na ntsako lowu wu nga vulekiki eka kereke yin'wana na yin'wana. Hi nyike ku chulula ka Vukona bya Wena, eka ndzhengha lowu. Leswaku Moya lowo Kwetsima wu nga ha ta eRitweni, nakona na Rito ri nga hava endzeni ka nyama ya hina ri tshama na hina kwalahawani ndzhengha lowu. Ha swi kombela hi Vito ra Yesu. Amen.

Mi nga tshamisa.

<sup>7</sup> Eka un'wana na un'wana wa muministara, eka vatirhi hinkwavo, na n'wina mi hlayisaka, na n'wina tiaxara, na hinkwerhu; na mina na hinkwavo vatluti va mina: Makwerhu David, Makwerhu Roy, Billy Paul, Loyce, Makwerhu Fred Sothmann, Makwerhu Jim Maguire, Makwerhu Gene, na Leo, hinkwerhu ka hina hi lava ku mi khensa hikwalaho ka rirhandzu ra n'wina, ni leswi mi swivulaka eka hina hi nhlengeletano ley. Hakunene mive va kahle swinene. Ku xixima kwaloko na rirhandzu leri hi nga ri hlengeleta endzeni ka timbilu ta hina, ri ri ra n'wina, ri ngaka ri nga suriwi. Ri ngaka ri nga suki. Nakona hi pfumela leswaku Xikwembu xi ta mi nyika hi ku tlurisissa, hi ntalo ehenhleni ka hinkwaswo leswi mi nga swi ehleketa kumbe ku ndzi kombela swona. I ngaku Xikwembu xi nga mi nyika swona hi rifuwo lerikulu ra tintswalo ta N'wana wa Xona, Yesu Kreste.

<sup>8</sup> Makwerhu Tommy Osborn, u kona kwala ehlengeletanwini. Hosi Xikwembu a xive na Makwerhu Tommy. Makwerhu Oral u sungule ndzhengha walowu, nakona ndzi ehleketa hi ku chucha xibohi kumbe swin'wana, swichucheka, eka nenge wa yena; kutani tani hiloko xikhongelo xi huma, ndzi ta nghena endleleni ndzi ya n'wi khongeleta. Kutani sweswi eka hinkwavo vatirhi kuloni va Makwerhu Roberts na vatirhi kuloni va Makwerhu Tommy, na le ka tikereke ni hinkwavo: Xikwembu a xive na n'wina, i xikhongelo xa mina. Mi ta—mi ta tshama mi ri endzeni ka mbilu ya mina, eka lowu nkarhi. Na kuva Tulsa ingaku a nga yima, ntirho wa Xikwembu ingaku wu ngava nkarhi wo leha eka yona, i xikhongelo xa hina. Nakona hi tshembhela ku tlhela hi vuya nakambe eka wun'wana nkarhi ku tava na n'wina.

<sup>9</sup> Kutani loko mi nga kumeka swi mi rhandzile, hi ndlela yin'wana na yin'wana! Ndzi tolrevele ku endla xitatimendhe lexi: vusiku a byi kali byi zwihalo ngopfu, kumbe mpfula a yi ni hi matimba ngopfu, kambe hi nga endla xin'wana na xin'wana lexi xi nga ematimbeni ya hina leswaku hi endla vutomi byi antswa nyana byi va kahle nakona yi va mikateko eka n'wina. Loko hi leswaku hi nga mi pfuna, ntsena hi tiviseni. Ntsena hi foyneleni

a Jeffersonville, Indiana, BUTler 2-1519, kumbe ntsena mo ndzi foynela eJeffersonville. [Nambara ya riqingho yi ncincile.—Muhleri.] Hi nga ha mi rhumela lapi leri nga khongeleriwa, hi mi khongelela, ntsena ku endla hinkwaswo leswi hi nga swikotaka. Hi malandza ya n'wina eHosini.

<sup>10</sup> Swingaleswi i maendlelo lawa ya ngariki kahle ku fika emakun'wini ya xikhongelo hi ndlela leyi, loko u vile na nkarhi wa kahle wo kotisa walowo, kambe nkarhi wun'wana ha fanela ku famba, hi ndlela yin'wana.

<sup>11</sup> Mi ri karhi mi tiva leswi, leswaku sweswo kova ntsena ku tsemakanya Nambu, siku rin'wana loko vutomi byi herile hinkwabyo, nakona ndzi tshamile eka tafula lero lerikulu, swi ta hangalaka na swibakabaka, Nkhuvo wa Vukati, nakona hi languta ku tsemekanya tafula kusuka eka un'wana, hi ta yi tsundzuka minkarhi leyi yale Oakland. A swi kanakanisi, mihloti nyana yi nga ha xiririka nyana yi rhelela hi marhama ya hina, hi ntsako, nakona Hosi, eka ku saseka ka Yona hinkwako, yi ta humelela, yi ri eka nguvu ya Yona yo rhandzeka yo basa, yi fika yi sula mihloti ya hina hinkwayo emahlweni ya hina, yi ku, "Mi nga ha rili nakambe. Swi herile sweswi. Nghenani eka ku tsaka ka Hosi leyi yi nga mi lulamisela kusukela loko misava yi tava yi sungurile." Yaley i awara leyi ndzi yi hanyelaka.

<sup>12</sup> Ndzi langutile vaministara va mina lava ndzi tirhaka na vona lahwani, nakona ndzi vona votala va vona va kule ku ndzi hundza. Ngopfu-ngopfu ehandle lahwani axitarateni, na katara na tamborina, swi ri karhi swi phevha ndlela, swi ri karhi swi vekela maribye ya khobulo swi ri karhi swi hutha tindhawu leto khwaxa, leswaku ministri lowu lowu Hosi yi nga ndzi nyika wona, wu nga ha famba kahle epatwini.

<sup>13</sup> Vamakwerhu va mina vo hlawuleka, ndzi titwa nyana swintsongo, ku yima lahwani na n'wina mi ri kwalaho ehansi. Sweswo hi swona. Ku na ku xixima loku ku nga ta nyikiwa, kuya eka n'wina. Ingaku Xikwembu hi rifuwo xi nga mi katekisa. Hi siku lero loko mbuyelo wu ta humesiwa, ndzi pfumela leswaku ndzi tava ndzi yimile ndzi ri kona loko ndzi ta mi vona mi ambexiwa harhi eVukwetsimeleni bya Xona.

<sup>14</sup> Swinkadyana leswi swi nga hundza, a ndzi ri karhi ndzi vulavula na muminstara endzhaku lahaya. Vito ra yena i Makwerhu Nathan, u teri. U tirha exikarhi ka Mayuda. Nakona u teri, "Makwerhu Branham, vusiku byo sungula, loko wa hari kona kwala . . ." Yena na nsati wa yena. A vabya. Kutani a ku, "U vitanile, enhlengelatanwini, kutani a ndzi byela leswaku ndzi mani, na hi ta nsati wa mina na vuvabyi bya yena." A ku, "U le ku holeni, kusukela kwalaho, ntsena u kahle." Nakona kuna mapapila yo tala ya kahle na vumbhon!

<sup>15</sup> Sweswi, kumbexani swi nga ha endleka u nga xi kumanga xidukwana xa wena kwalahawani. Loko hi nga swikota ku ku

pfuna, hi ndlela yin'wana, hi ta ku rhumela xilapani, sweswi, kutava na maendlelo nyana yantsongo. Hi khome nxaxamelo wa swikhongelo lowu wu fambaka wu rhendzeleka hi misava. Vanhu va kumeka va pfuka, eka tiawara hinkwato ta na vusiku, kutani va hlaysia nxaxamelo lowu wa swikhongelo. Hambi kuri eka nkarhi wa Eastern Standard, ha khongela hi awara ya nkaye na mixo, hi awara ya khume mbirhi, na hi awara ya nharhu. Teto i tiawara ta xithlavelo ta Testamente ya khale ya Mayuda. Kutani hi khongela sweswo. Kutani vanhu ku rhendzeleka hi misava va pfuka hi minkarhi yo hambana, eka nketani leyikulu ya xikhongelo, leswaku hinkwerhu hi khongela kun'we, un'wana eka un'wana. Swingaleswi ndzi na ntiyiso wa leswaku Xikwembu xi ta yingisela xikhongelo. Swin'wana swo saseka swi nghena, swa leswi Xona xi nga swi endla. Nakona hi lava ku mi nghanisa eka nxaxamelo wa xikhongelo, leswaku mi khongela na hina eka tiawara leti.

<sup>16</sup> Kutani sweswi, a swi kanakanisi, kambe swi kome kahle, ndzi tava endzhandzheni wa malwandle nakambe, loko Hosi yi swi rhandza.

<sup>17</sup> Hi hlengeletile nyana mali lahwani. Nakona hi ndlela yin'wana, Hosi yi ndzi pfumelerile leswaku ndzi swivula leswaku ndzi ta switsundzuka. Va tekile minyikelo ya rirhandzu ka mbirhi, ndza pfumela, ya mina. Ma swi tiva leswaku ndzi swi khensa njhani sweswo. Sweswi, ku hava na peni na yin'we leyi yi nga ta tirha swa mina. Yi ya eka masungulo ya kereke eka timixini ta le ndzhandzheni wa malwandle. Wa vona? Nakona hi ta endla hinkwaswo hi ku antswa swinene hilaha hi nga ta kota hakona, ku vona leswaku mali yaleyo yi ya evanhwini lava va nga yi twiki Evhangeli, lava va hlulekaka ku fika. Nakona hi ta endla hilaha hi nga ta kota hakona ku antswa. Xikwembu a xi mi katekisi hi rifuwo, i xikhongelo xa mina xo tshembheka.

<sup>18</sup> Kutani sweswi, loko mi lava rin'we ra malapi lawa ya nga khongeleriwa, mo ndzi tsalela ntsena. Kutani ntsena Post Office Box 325, kumbe ntsena mi ku Jeffersonville, Indiana, ri ta fika eka mina. Kutani loko mi lava kuri vekela endzeni ka Bibele, ri nganiseni eka Mintirho 19. Nakona vanhu votala va ndzi byerile.

<sup>19</sup> Manana un'wana u teri, ndza pfumela, jaha ra yena u chayisiwile hi movha, nakona a huma ngati yi humela ro fa, kusuka eka ku vaviseka hi tinghilazi, kutani u tsutsumile hi xihatla a ta kuma rhibon leyi. A ri eka... a hanye etikweni. Kutani a fika a boha jaha xirhibonani, hiloko ngati yi yima xikan'we-kan'we. Kutani na swilo swotala swo kotisa sweswo.

<sup>20</sup> Wansati loyi ari eGermany, a limarile. Ri ku byela leswi u nga ta swi endla; mi hlengletana eka vamakhelwani va n'wina va Vakreste, loko malapi lawa ya tlhandlekiwile ehenhleni ka n'wina, ehenhla ka mbilu ya wena. Kutani a ku, endzhaku ka

hinkwaswo loko swi endliwile ntsena hi ndlela leyi a swi ri hakona . . . A limarile ku ringana malembe yo hlaya. Kutani a ku, loko a ta kuma sweswo swi hetisekile, a ku, "Sathana, sweswi a wa hari na ndhawu ya nchumu wun'wana na wun'wana. Huma eka mina." A tlakuka exitulwini a famba.

<sup>21</sup> Sweswo ntsena swi olovile. Wa vona? Swingaleswi loko mi nga navela xin'we, a xi durhi, a xi na nxavo. Ntsena ma rhumela, nakona hi ta ri rhumela ri ta thwi eka n'wina, eka papila. Sweswi, mi ta kuma xitsi ra-ra mimeographed ra leswaku mi swi endlisa ku yini. Kambe, tsundzukani, ndzi khongerile, hi vumina, hi ndzexe, eka—eka lapi leri ri nga ta rhumeriwa eka n'wina. Loko n'wana wa mina a nga vabya, nsati wa mina, kumbe tatana wa mina na manana, nakona ndzi na ku tshembha eka xikhongelo xa un'wana, a ndzi nge swilavi kuva xikhongelo xa mabalani. Ndzi tava lava leswaku va swi khongelela. "Nakona endlelani van'wana leswi mi lavaka van'wana leswaku va mi endlela swona," nawu lowukulu. Swingaleswi, hina, hakunene hi ta tsaka ku mi pfuna hi ndlela yihi kumbe yihi leyi hi nga yi kotaka. Xikwembu a xi mi katekisi sweswi.

<sup>22</sup> Kutani hinkwaswo leswi swi nga endliwa swi endliwile ku nandzika na hi rirhandzu, nakona ha swi amukela swinene.

<sup>23</sup> Sweswi, loko ndzi ri endzhandzheni wa malwandle, swa tika minkarhi hinkwayo. Hikuva, valoyi na vangoma, a va chavi ku mi hlasela. Kwalahawani ku ngari khale, eka ndhawu yin'wana, a kuri na kwalomu ka khume ntlanhu wa valoyi eka tlhelo rin'wana na rin'wana, vari karhi va hoxetela micingiriko hinkwako, kutani va ku va vitana bubutsa nakona ri ta ndzi pfurhetela ndzi ya wela ekule. Nakona, wa swi pfumela kumbe u nga swi pfumeli, bubutsa ra ta. Kwalomu ka makume nharhu wa magidi wa vanhu, nakona ndhawu yi ninginika hi ku tika tani hilaha yi ngavaka hakona.

<sup>24</sup> Makwerhu Arganbright, wa Christian Business Men, n'wina vamakwerhu ma n'wi tiva. A tshamile endzhaku ka mina. A ku, "Makwerhu Branham."

<sup>25</sup> Ndzi ku, "Ntsena tshamiseka. I Moya lowo Kwetsima wu nga ndzi rhumela lahawani." Hi yona mhaka a ndzi yi kahelo handle kaloko Yena a ndzi rhuma kusungula, swingaleswi ndza switiva leswaku ndzi nga ha ta hi Vito ra Hosi. Wa vona? Ndzi ku, "U lo ndzi rhuma lahawani."

<sup>26</sup> A vari na ndhawu leyikulu va nga yi aka, ntsena laha ntsena a vakotisa two by four's, na tende ro tluta a ri beleriwile ka yona. Nakona ndhawu yaleyo ntsena a yi tlakuka yi ya ehenhla nale hansi. Eka . . . kwalomu ka awara ya mbirhi ni ndzhengha. Ntsena a ku vonakala tani hilaha akuri hakona, nakona bubutsa lero ri fikile hi makume nharhu wa timinetse. Kutani hiloko ndzi yima. Ndzi ku, "A wu fanelanga ku swi tolokela leswi." A wu twa matimba ya lawa yo biha eka tlhelo rin'wana na rin'wana.

Kutani vona a va tshamile kwalahaya, va ri karhi va hundzuluxa mavoko ya vona va tsemelela risiva, hi swikerho. Ma swi tiva hilaha va endlaka hakona.

<sup>27</sup> Ndzi ku, "Hosi Xikwembu, Mutumbuluxi wa matilo na misava, hi Wena U nga ndzi rhumela lahwani. Hi Wena u nga na vutihlamuleri hi ministri lowu ndzi nga wu rhwala wa Wena. Ndzi tshinya xidzedze xexo, hi Vito ra Hosi Yesu."

<sup>28</sup> Hiloko xi tlhelela endzhaku. Matilo ya bonga-bonga ya ri karhi ya hangalaka, hiloko dyambu ri tlhava, hi timinetse tale hansi ka timbirhi, kuya ehansi. Kutani magidigidi ya ta ya tsutsumela ealtareni, na vona lava vo ehleketa hi xikhomonisi na hinkwavo. Ni hilaha . . .

<sup>29</sup> A ndzi nge swikoti ku yima lahwani ndzi mi byela vumbboni, hikuva hi le ka nhlengeletano leyi yi nga ya mina. Swi nga antswa ni loko van'wana va swi endla. Kambe, layibrari, ndzi nga ha vula leswaku kutava na encyclopedia, kunga hava na tibuku totala ti nga ta tsariwa, ta kuva ndzi vonile Hosi Yesu a endla eka ministri nyana wa lowu wu nga wa mina. Miehleketa leswaku wu tava wuri wa njhani eka vanhu vo kotisa Makwerhu Tommy Osborn, Makwerhu Oral Roberts? Wu kahle. Hosi ya hina yi kahle. Hakunene yi tano.

<sup>30</sup> Sweswi ndzi lava ku hlaya Matsalwa man'wana, ndzhengha lowu. Nakona ndzi na tindhawu nyana letintsongo ndzi nga ti tsala ehansi lahwani, loko ndzi nga kota ku nghena eka tona. Nakona hi na . . . Ndzi pfumela leswaku jaha ra mina ri ndzi byerile leswaku u phakerile yan'wana ya makhadi ya xikhongelo, nakona hi ya khongeleta vavabyi.

<sup>31</sup> Loko ndzi nga fikeleli ku fikisa mahlo eka un'wana wa n'wina hinkwenu nakambe, loko ndzi nga ha mi voni eka vutomi lebyi; loko ndzi hlangana na n'wina eNyangweni, hi nga siya hi ya yima emahlweni ka Kreste, swivono swo huma eka Xikwembu swi ntiiyiso nakona swa hanya. Ntsumi ya Hosi, na Langavi lero ra Ndzilo na Layiti, swa ndzi pfuna, Xikwembu xa Matimba hinkwawo, lexi nga Muavanyisi, Xi kona. Xi ntiiyiso. Ina. Swingaleswi mi ta switiva leswaku Xi—Xi ntiiyiso. Xikwembu xi ntiiyiso. Xi ngaka xi ngavi lexi ngariki xa ntiiyiso xi tlhela xi va Xikwembu. Hi Xona lexi ngariki na nti- . . . Xi ngaka xi ngavi lexi ngariki xa ntiiyiso, hikuva Xi fanele xi va lexi hetisekeke. Loko nchumu wun'wana na wun'wana wu ngari wa ntiiyiso, i wa Sathana. Kambe Layiti yaleyo, ndzi Yi vonile, ndzi Yi langutile. Nakona eka mina . . . Ndzi kombela ku khomeriwa loko ndzi ri na maendlelo yo sandza, kambe, eka mina, ka hari Langavi ra Ndzilo leri ri nga landzelela vana va Israel.

<sup>32</sup> Hikuva, Ri tshamile endzeni ka Munhu loyi a vitaniwaka Yesu, loyi a nga N'wana wa Xikwembu, nakona vutomi lebyi Yena a nga byi hanya bya ha tswariwa nakambe hi nchumu wun'we. U teri, "Ndzi huma eka Xikwembu. Ndzi tlhelela eka

Xikwembu.” Hinkwerhu ha switiva sweswo. “Ndzi huma eka Xikwembu, nakona Ndzi tlhelela eka Xikwembu.” U teri, “HI MINA LOYI A NGA KONA.” Kwalaho a kuri Langavi ra Ndzilo. Yaloye a ri Ntsumi leyi a yi ri enhoveni. Yi ti endle nyama yi tshama exikarhi ka hina; yi tlhela yi tlhelela endzhaku. Nakona Ya hari eka xivumbeko xexiya namuntlha. Xana a mi switiva sweswo xana?

<sup>33</sup> Kunene, mi ri, “Yesu a ri...” Kunene, ndzi—ndzi le ku vulavuleni hi Xikwembu, lexi a xi ri endzeni ka Yesu.

<sup>34</sup> Loko Paul a ri endleleni ya yena yo ya eDamaska, Layiti yi n’wi bile a wela ehansi, leyi nga Langavi ra Ndzilo. Ku hava na un’we wa vona eka lavan’wana va nga Ri vona, kambe Paul u Ri vonile. A Ri enerile ku kondza Ri n’wi pfala mahlo. Hiloko a ku, “U Mani, Hosi?”

<sup>35</sup> U teri, “Ndzi Yesu.” A tlhelerile eka Xikwembu, laha A huma kona.

<sup>36</sup> Eka mina, Wa hari Yena na namuntlha, a hetisisaka mintirho ya Yena endzeni ka hina, ku nga Kereke, emasikwini ya makumu.

<sup>37</sup> A hi pfuleni eka Deuteronomia 32:11, hi kuma masungulo nyana ya tsalwa. Kutani hi ta ringeta kuva na layini ya xikhongelo, nakona hi tava hi humile ku nga se hela awara, loko swikoteka. [Sesi a profeta—Muhleri.]

<sup>38</sup> O Tatana Xikwembu, ndzi titsongahata njhani embilwini ya mina ndza swi amukela sweswo. Kongomisa milenge ya mina, khoma voko ra mina, Hosi. Leswaku ndzi ngavi ribye ra xikhunguvanyisi eka un’wana na un’wana, kambe ndzi nga hava ribye leri ri tlhavaka goza eka tihakelo tin’wana na tin’wana ta mufambi. Hi nyike swona, Hosi. Leswaku ndzi nga endli nchumu evuton’wini bya mina leswi nga ha vekelaka ndzhuti ehenhleni ka Vito ra Wena, kumbe eka xivangelo xa Wena. Nakona ndzi ta endla hinkwaswo leswi ndzi nga swikotaka ku Ku tirhela. Ndza Ku khensa ha leswi, hi Vito ra N’wana wa Wena, Yesu Kreste, Hosi ya mina. Amen.

<sup>39</sup> Hilaha mbilu ya mina yi titsongahata hakona! Deuteronomia 32:11, “Tani hi...” [Sesi a profeta—Muhleri.] Amen. [Sesi un’wana na yena a profeta.] Amen. A ku kateki Vito ra Hosi. [Sesi un’wana na yena a profeta.] Hilaha Hosi hi yi khensaka hakona, kuva na Moya wa Yona lowu wu tirhaka exikarhini ka hina, exikarhi ka hina!

*Kukotisa gama loko ri pfuxa mavondlo ya rona, loko ri  
hahela ehenhla ka vana va rona, ri tlharhamula timpapa  
ri va teka, ri va vekela etinsiveni ta rona:*

<sup>40</sup> Yalawa a yo va ntsena ku hlaiya ka Matsalwa, kambe Yo va Rito ra Hosi. Ya ringanerile yalawa kwalaho, kumbexani, Xikwembu xi ta hi nyika mongo kusuka eka wona, eka timinetse

ta makume mbirhi kumbe makume nharhu, teto ti ta endla leswaku vanhu va xalamuka niku ehleketa hi Hosi Yesu.

<sup>41</sup> Ma swi tiva, nkarhi wun'wana, ndzi hlayile xitorhi, malembe ya ntsongo lawa ya nga hundza, hi *The Life Of Abraham Lincoln*. A kuri na wanuna ekhotsweni, nakona a hari ehansi ka xigwevo xa nawu, nakona a ya eku duvuriweni. Hiloko munghana wa kahle wa yena a ya eka Presidente, Abraham Lincoln, wanuna wa kahle wa Mukreste. Hiloko a ku, "Nkul. Lincoln, ndza switiva leswaku i munhu wa kahle, leswaku i Mukreste. Nakona ehansi ka ku vona nandzu loku wa nawu, leswaku munhu loyi u tlurile nawu wa mafambiselo ya vuthu. I munghana wa mina. A nga vuli swona ku endla sweswo. U na nandzu hi ku swi endla. A nga vuli swona ku swi endla sweswo. Na ku kombela... Wo va munhu u ri wexe loyi u nga hlayisaka vutomi bya yena. Xana a wu nge swikoti ku hlayisa vutomi bya yena xana?" Nakona ku yimeleriwa hi Nkul. Lincoln ku tekile mabalani wa yena a tsala eka xipapilana, hikuva a ngari edeskeni ra yena hi nkarhi walowo, ku ta endla xitembe xa ximfumo. Kutani hiloko a tsala kunene leswaku, "Ndza n'wi rivalela munhu loyi," a tlhela a tsala na vito ra yena, "Abraham Lincoln."

<sup>42</sup> Munghana wo saseka wa munhu loyi a tsutsuma hi ku tikarhata tani hilaha a nga kota hakona, kuya ekhotsweni, a fika a ku, "Oho, munghana wa mina, u ntshuxekile. U ntshuxekile. Hi leri vito ra Presidente eka xiphedhani lexi. U rivaleriwile."

<sup>43</sup> Hiloko wanuna a ku, "U nga ndzi mphutisi, hikuva ndzi tilulamiserile sweswi ku fa, hikuva ndzi ghweviwile rifu. Kutani lahwani u ta u ta ndzi mphutisa hi xiphizani xa xiphedhani. Loko hi leswaku xiphizani xexo xa xiphedhani i xa ku rivalela ka Abraham Lincoln, a xi tava xi kavisiwile hi swo lemela na swin'wana."

<sup>44</sup> A ku, "Nkulukumba, hi leri vito ra Presidente. U rivaleriwile." Hiloko wanuna a xi fularhela a nga ha xi yingiseli.

<sup>45</sup> Hi mixo lowu landzelaka, na nhlikanhi, wanuna u duvuriwile a ri emahlweni ka xikwadi xo balesela. Sweswi, hi loku ku rivaleriwa loku ku humaka eka Presidente, loku ku nge, "Munhu loyi mi nga n'wi dlayi," loku ku nga sayiniwa siku rin'wana. Hi siku leri ri landzelaka, wanuna loyi u duvuriwile.

<sup>46</sup> Kutani nandzu wu ringetiwile eka tikhoto ta nawu. Nakona ku te loko khoto, Federal Court ya United States of America yi ringeta kheyisi, kutani hi lexi xiboho xa khoto. "Ndzivalelo a hi ndzivalelo handle kaloko wu amukeriwa tani hi ndzivalelo."

<sup>47</sup> Nakona yaleyo hi yona ndlela leyi na Rito ra Xikwembu ri nga xiswona. Ra hanyisa eka wena, loko ntsena u nga Ri amukela ntsena tani hi ku hanyisiwa. I ku rivaleriwa eka wena, loko u Ri amukela tani hi ndzivalelo. Mikateko yin'wana na yin'wana leyi yi nga *Lahawani* i ya n'wina loko ntsena mi Yi amukela hi ndlela leyi Xikwembu xi nga Yi tsarisa xiswona.

*Kukotisa gama loko ri pfuxa...mavondlo ya rona, loko ri hahela ehenhla ka vana va rona,...ri tlharhamula timpapa ri va teka, ri va vekela etinsiveni ta rona.*

<sup>48</sup> I kangani ndzi ehleketa leswaku Xikwembu xi fananisa ndhavuko wa Xona, na magama! Nakona ndzi kuma leswaku, andzeni ka Bibele, leswaku Xikwembu hi xoxe xi tivitana xona N'winyi gama. Hi xona Yehovha wa gama. Nakona Xi nga swi endlisa ku yini sweswo?

<sup>49</sup> Swingaleswi, ndzi wa ntumbuluko. Swingaleswi ndzi... Bibele ya mina yo sungula i ntumbuluko. Loko mi nga hlalela ntumbuluko hi ndlela leyi wu tirhaka hakona, mi nga ha kuma Xikwembu. Hinkwako laha mi nga langutaka kona, mi ta vona Xikwembu, loko mi nga kuma Xikwembu endzeni ka mbilu kutani mi yi hlalela. Sweswi, loko va vulavula hi vutomi byi ntshwa na swin'wana, sweswo i vuphukuphukui; swi ngaka swi nga endleki.

<sup>50</sup> Hi kuma leswaku ximilana xa fa, xi ya emisaveni; mbewu ya bola, yi tlhela yi hanya nakambe. Yi pfuka ekufeni. Na hinkwabyo Vukreste byi kongomisiwe ehenhleni ka ku pfuka ekufeni. Nakona hi nga ha swivona leswaku sweswo i ntiyiso; rifu, ku lahliwa, na ku pfuka; swimumu, swixika. Ntumbuluko hinkwawo wu hlangana kun'we.

<sup>51</sup> Bibele ya mina yo sungula, a kuri ku hlalela minsya leyi loko yi fa, hilaha matluka ya tlhelaka ya hluka nakambe; hilaha moyo wu nga ta ma pfurhetela nakambe, ma ta tlhela ya vuya nakambe; hilaha xiluva lexi ntsongo xi faka hakona, xi tlhela xi hanya nakambe. Na hinkwaswo swilo leswi swo hambana, swi ndzi endla ndzi switiva leswaku kuna matimba ya ku pfuka kun'wana.

<sup>52</sup> Sweswi, nsinya wu na vutomi bya minkarhi na minkarhi. Hi na Vutomi lebyi nga hundziki. Nsinya wu ta fika emakun'wini wa wona. A swi ngevi tano eka hina; hina Vutomi lebyi nga hundziki.

<sup>53</sup> Sweswi, ndzi sungule ku dyondza hi gama loko ndzi tava ndzi swi hlayile leswi. Gama rona ke? Ndzi kumile leswaku gama i xinyenyani lexi nga twisisekiki. Xi nga hahela ehenhla kutlula xinyenyana xin'wana na xin'wana lexi xi nga kona. I xinyenyani lexi xi nga akiwa xipexali. Xi aka xisaka xa xona emaribyeni, a ehenhla swinene. Hi yena xinyenyani lexi xi nga twisisekiki. Nakona nchumu wun'wana, tisiva ta yena titiye ngopfu a wu nge swikoti, hi ku tika, a wu nge swikoti ku tihiyuva hi ti playere. Hi lonkulu, xinyenyani lexikulu, hi xin'wana xa leswikulu swa leswi nga kona. Nakona hi yena xinyenyani lexi nga twisisekiki. Kambe u akiwe xipexali hikuva u na ntirho wa xipexali wo wu endla.

<sup>54</sup> Rito *gama* swivula “lexi handzulaka hi nomo.” Nakona ri phamela hi nomo. I nchumu wo saseka ngopfu wa Rito ra Xikwembu, ri phamela kusuka enon’weni kuya enon’weni wun’wana, Xikwembu na xona xi phamerisa xisweswo vana va Xona.

<sup>55</sup> Nakona ri aka swisaka swa rona ehenhla, nakona ri swi endla hi xikongomelo sweswo, na hinkwaswo. Sweswi, loko. . . Gama ri na timpapa to tiya swinene. Teto i ta ku kutsula.

<sup>56</sup> Xin’wana lexi gama ri xi endlaka, leswi swi chavisaka, ra ti pfuxeta vuntshwa bya rona. Gama, endzhaku ka nkarhi wo leha, ntsena ra tivuyelerisa ri tlhelela endzhaku eka xigamani nakambe, ri tivuyerisela endzhaku rona hi roxe. Ro ti pfuxeta vuntshwa bya rona.

<sup>57</sup> Walowo i muxaka wun’wana wa Kereke, ya vanhu va Xikwembu. Hi ta nghena eka swona ku ya ehansi na xitayele xa muxaka wun’wana, kutani, xikan’we, Moya lowo Kwetsima wa ta wu ta hi pfuxeta nakambe. Xikwembu, xi pfuxeta ntokoto na vuntshwa bya Kereke ya Xona, xi va nyika ntokoto wuntshwa. Yaleyoyi fananisa gama.

<sup>58</sup> Malembe lawa ya nga hundza, a ndzi tolloverile ku famba ndzi gadile, ku bridisa tihomu, nakona a hi ri eTroublesome River eColorado. Va Hereford Association va dyisela eka madyelo ya Arapaho kwalahaya, na kuya emahlweni, nale henhla etintshaveni. A hi tolloverile ku yissa tihomu kona. Kutani, loko ku hela nguva ya lembe, hi ta fanelia ku tihlota nakambe, hi ti nghenisa eNational Forest. Kutani a hi ta kurisa furu kona kusukela ekusunguleni, kuya tiphamela, hi xixika.

<sup>59</sup> Nakona ndzi ya kwalahaya lembe rin’wana na rin’wana, ku ya hlota. Ndza swi endla, hambi swi ri tano. Na munghana wa mina, hi tlhela hi vuya, endzhaku kaloko vanhu hinkwavo va le madorobeni va yile kwalahaya va ya duvula, tindhakazi ta xisati, na marhole, na swi hon’wana, na tinkuzi ta khale leti ti tssembaka ta tindhakazi leti ti nga rhelela ehansi. Hikokwalaho ka yini, minkarhi hinkwayo hi tlhelela endzhaku, ehenhla, laha mi nga taka mi nga ha koti ku nghena, kutani hi govela kona kwalahaya. Loko a ya evuxeni, evuxeni kumbe evupela-dyambu hi ku hambana hi matlhelio, kun’wana, kutani mina ndzi teka kun’wana. Hi ta hambana masiku yo hlaya hi nga se hlangana.

<sup>60</sup> Nakona ndzi ngaka ndzi nga rivali, lembe rin’wana, a ri ngari na gamboko, a kuri kun’wana hi Nhlangula loko nguva yi nghena.

<sup>61</sup> Kutani loko kuva na gamboko atitshaveni. . . Hikokwalaho ka yini, kumbexana, hi Nhlangula, ku ta—ta ndzhengha wa kahle wo saseka, kumbexana ka awara yin’wana kutava na gamboko. Yi ta yi nisa yi suka, kutani dyambu ri ta huma, kova ku ncinka ntsena hi maxelo. Kambe kwalaho, loko gamboko yi fika, yi tsutsumisa mhunti na ndhakazi, tona letikulu leti ti tshamaka

ehenhla, tiva ekule na huwa ya nhluvuko, swi ti tsutsumerisela eminkoveni. Kwalaho hilaha hi ntolovelu u kumaka trofi.

<sup>62</sup> Lembe leri, gamboko a yi nga se ta, nakona a ndziri kwale henhla. Nakona a ndzi siyile hanci ya mina timayili to hlaya endzhaku, ndzi yi bohole, kambe a yi ri na ndhawu yo tala yo ringanelu; leswaku a nga ha kota ku dya, furu nyana. Kutani ndzi fambile hi ntila wa timhandzi, ehenhla kwalahaya, ndzi ri karhi ndzi languta.

<sup>63</sup> Hi ndzhengha walowo kuta bubutsa leri ri nga kukula ku jika hi tintshava, na ku-ku duma ka ndlati, rihati ri ri karhi ri hatima. Hiloko ndzi tumbela hi nsinya. Kutani ndzi yimile endzhaku ka nsinya ku kondza bubutsa ri hela, ri wela ehansi a timhandhini. A kuri na ku hunga ehansi lahaya. Kutani a ndzi yimile endzhaku ka pulanga, ku rindzela bubutsa leswaku ri hundza; loko ndza ha yimile kwalahaya, ndzi ehlleketa. Nakona a ndzi ri na xibalesa xa mina lexi a ndzi khegeterise nsi—nsinya. Kutani loko bu—bu bubutsa ri herile... A ndzi ri eku ehlleketeni hi Xikwembu, hilaha Xi nga kahle hakona.

<sup>64</sup> Kutani loko bubutsa ra haya emahlweni, hiloko moyo wo titimela wu fika, nakona wu gwitsirisile mati lawa ngopfugnopfu a yari ehenhla ka rihlaza, ku kotisa mathonsi lawa a ya nembelela. Kutani loko dyambu ri huma, halahaya endzhaku, evupela-dyambu, a ndzi kota ku vona dyambu loko ri hlometela hilaha ku nga pfuleka nyana ka ntshava, nakona a ku languteka tani hi tihlo ra Xikwembu.

<sup>65</sup> Ma swi tiva, Xikwembu xi hinkwako. Ntsena mi nga ha Xi vona, kun'wana na kun'wana, loko ntsena mi nga Xi langutela. Xi kona. Mi fanele ku Xi vona. Xi tava kona kwala. Xi kona kwala sweswi. Loko ntsena mi nga halahala, mi ta Xi vona.

<sup>66</sup> Kutani loko ndza ha yimile kwalahaya, ndzi langutile eka ku—ku pela kwaloko. Hiloko ndzi tlakusa mavoko ya mina ehenhla, ndzi ku, "O Yehovha Xikwembu wa kahle, mahlo ya Wena ya ya emahlweni nale ndzhaku, emisaveni."

<sup>67</sup> Xikan'we-kan'we ndzi twa nanga leyi yi humaka eka—eka ndhakazi leyikulu ya nkuzi. A yi sukile yi hambana na ntlhambhi, eka bubutsa, nakona a ri eku endleni ka mpfumawulo wo tontswa hakunene mpfumawulo wo huwelela tani hi sweswo. Ndzi twa ntlhambhi wu n'wi hlamula, eka ndhawu yin'wana leyi yi nga lahwani. Nakona ehenhla etlhelo ka ntshava, hlolwa ra khale ra gireyi ri sungula ku huwelela; munghana a hlamula, kusuka ehansi emasungulen. Ndzi halaharile, ku tsemakanya hi nkova, kusuka eka ntshava yin'wana, ku tsemakanya laha ku avaka, a kuri na kwangulatilo. Kunene, ntsena ndzi langutile hinkwako, a kuri na Xikwembu.

<sup>68</sup> Manana wa mina i Mukula nyana wa hafu. U ta a huma evuhlayiselweni, nakona a ri Mukula wa Cherokee. Nakona manana wa yena a tekile pexeni ya yena. Ku hundzuka ka mina a

ku kali ku kususa kwaloko eka mina. Kuna swin'wana hi nhova na kuva ehandle loku ndzi ku rhandzaka.

<sup>69</sup> Loko ndzi tatwa hlolwa lero ri huwelela, na munghana a hlamula, mihloti yi sungula ku rhelela hi marhama ya mina. Ndzi twe nkuzi yaleyo ya ndhakazi leyikulu yi huwelela yi ri ehenhla lahaya, yi huwelela ntlhambhi wa yona. Wu hlamurile. Ndzi langutile kwangulatilo. Ndzi ku, "Ina. Hi lexiya Xikwembu, nakambe." Hi Xona Alfa na Omega. Hi Xona muhlovohlovo, ku nga ntwanano, endzeni ka kwangulatilo. Xikwembu xi hinkwako, loko ntsena mi nga Xi languta hinkwako.

<sup>70</sup> Ndzi kumeke ndzi tsake ngopfu! Ntsena ndzi lo yimisela mavoko ya mina ehenhla, kutani mihloti yi rhelela hi marhama ya mina. Ndzi tsutsuma ndzi rhendzeleka, ndzi rhendzeleka na ku rhendzeleka hi nsinya walowo. Ntsena a ndzi tikumele nkarhi wa kahle, nakona a kuri hava munhu ku ringana makume nharhu wa timayile kusuka eka mina; ntsena a ndzo tlulela ehenhla nale hansi, ni ku huwelela hi rito leri ri tlakukeke ra mina. Hi ku tshembheka, loko a kuri na un'wana loyi a ndzi langutile, a va ta ehleketa hi un'wana loyi a humaka evuhlayiselweni bya lava vo hlangana nhloko lahaya. Kambe a ndzi ngari ku swi hlayiseni. A ndzi ri na nkarhi wa kahle. A ndzi ri ku dzuniseni ka Hosi, Xikwembu xa mina. A swikali swi endla ku hambana eka mina hi leswi swi ehleketa hi munhu un'wana. Nakona ntsena a ndzi ri na nkarhi wa kahle, ntsena ku rhendzeleka, na ku rhendzeleka na ku rhendzeleka hi nsinya walowo. Nakona a ndzi ta yima, ndzi yingisela hlolwa lero, na ku yingisela sweswo. Na ku huwelela nakambe, ndzi rhendzeleka, ndzi rhendzeleka hi nsinya nakambe a ndzi ta vuyeleta nakambe.

<sup>71</sup> Nakona ndzi—ndzi vile na nyanyuko hi ndlela yin'wana. Nakona kwalahaya akuri na maxinjani xintsongo xa muphayini. A ndzi switivi loko mi switiva leswi swi nga kona lahawani a Oklahoma, kumbe a mi switivi. Ntsena kova nchumu nyana wuntsongo lowu wu nga na huwa nyana hi ku leha *kwaloko*. Hi yena phorisa ro ambala swa wasi wa nhova. Ntsena u... U na huwa ngopfu, nakona kuhava nchumu eka yena. Nakona u tlulerile ehenhla ka xikundu, hiloko a sungula ku bokoxela, a bokoxela, a bokoxela, ntsena hi ku tika hilaha a nga kota hakona. Hiloko ndzi ehleketa, "Ku hava xivangelo eka wena lexi xi endlaka leswaku u nyanyuka. Mina ndzi gandzela Hosi. Wena a wu swilavi sweswo? Languta lahwani." Ndzi rhendzeleka, na ku rhendzeleka, na ku rhendzeleka, na ku rhendzeleka nakambe, ndzi famba, ntsena hi ku tika hilaha ndzi nga kota hakona. Kutani ndzi ku, "A swi sasekanga sweswo xana? Mutumbuluxi wa wena; Xikwembu xa mina!" Lahawani ha famba nakambe, hi rhendzeleka, na ku rhendzeleka, na ku rhendzeleka tani hi sweswo.

<sup>72</sup> Kutani ndzi tekerile enhlokweni nakulorhi lontsongo loko a ri karhi a tisweka xinhlokwana xa yena ematlhelio, a tlhela

a languta ehansi eka ku hunga kwaloko ku nga ehansi. A swi nga languteki tani hiloko mina ndzi n'wi nyanyukisa. A swi ri kona swin'wana leswi a swi n'wi nyanyukisa. Kunene, ndzi ehleketa, "U nga ehleketa leswaku ndzi le ku endleni ka leswi swi hlekisaka. Hikuva, a ndzo va eku endleni ka leswi swi hlekisaka, hi vumina. Kutani ndza switiva leswaku Xi le ku ndzi katekiseni, swingaleswi na wena u nga ha ndzi joyina."

<sup>73</sup> Hiloko ndzi kumeka ndzi ri karhi ndzi languta. Nakona bubutsa ri dlidlimbeterile gama lerikulu ri wela ehansi. Nakona ri n'wi hoxile endzeni. A ri ehansi-hansi, nkarhi wun'wana a ri ekudyeni. A nga ha swikoti kuva na matimba ya yena, kuya ehenhla ka yena, leswaku a va ehenhla ka bubutsa, swingaleswi wu ri sukumetele ehansi eswihlahleni. Kutani kwalahaya a ri kona, ehansi ehansi ka swihlahla leswi—leswi lahwani.

<sup>74</sup> Kasi sweswo hi leswi a swi nyanyukisa maxinjani nyana lexi. Nakona a ri eku swi voneni kahle, tani hi sweswo, a ya a bokoxela, a bokoxela, a bokoxela, tani hiloko a ya eku handzulen i gama lero ri va swiphemu-phemu. Kunene, a nga kulanga ku enela leswaku a nga ha handzula swin'wana swiva swiphemuphemu. Swingaleswi a yimile eka xikundu xexo, xi ncilani xa yena xi ti songile tani hi *sweswo*, ntsena a bokoxela, a bokoxela, a bokoxela; a bokoxela, a bokoxela, a bokoxela. Ndzi ehleketa, "Kunene, u nga nyanyuki. A nge ku vavisi."

<sup>75</sup> Hiloko gama lero ri thulela exirhabyanini, tani hi *sweswo*. Kutani ndzi ehleketa, "O Xikwembu, kwalaho U nga kona, eka ku vitana kwaloko ka hlolwa. Kwalaho U nga kona, kona lahwani, eka ku vitana ka swiharhi. Kwalaho U nga kona, evupela-dyambu. Kwalaho U nga kona, eka kwangulatilo. Hikokwalaho ka yini U ndzi vekelela gama lero emahlweni? Yini, xana gama ri endla yini lahayna? A ndzi ku voni eka gama lero."

<sup>76</sup> Ndzi langutile gama lero. Ndzi ku... Ndzi n'wi langutile, i wa kahle lonkulu wo languteka a ri na mahlo ya mpun'wa. A ngari ku xi lemukeni maxinjani xexo xa phayini, ngopfu. A langutile mina. A ndzi kota ku vona mahlo ya yena ma kahle lamakulu ya nga ndzi languta. Hiloko ndzi ehleketa, "Kunene, ina, a ndzi kota ku vona Xikwembu eka gama lero, hikuva a nga chavi. A kuri na swin'wana ha yena, leswi swi endlaka leswaku a nga chavi." Ndzi ku, "Ndzi ta ringeta, ni vona loko a chava."

<sup>77</sup> Ndzi ku, "Ndzi vula leswaku, nakulorhi, wa switiva leswaku ndzi nga ku duvula?" Ndzi ku, "Hi lexi xibalesa xa mina. Ndzi nga ku duvula."

<sup>78</sup> Ntsena u lo ndzi languta, tani hi *sweswo*. A ndzi tshamela ro n'wi lemuka loko a ri karhi a huhusela timpapa ta yena. Ndzi ku, "Ndza swi vona sweswi. Hi xona xivangelo. A wu chavi, hikuva Xikwembu xi ku nyikile timpapa timbirhi. Nakona wa tiva i yini, swikahle swi tlhela swi saseka, u nga ha kumeka eka pulangi lero loko ndzi nga kota ku fikelela xibalesa xexo evokweni ra

mina.” Ndzi ehleketa, “Loko u nga kota ku tshembha Xikwembu xa wena lexi xi nga ku nyika timpapa, leswaku u huma laha ku nga na khombo, swi ngava njhani eka Kereke, leyi yi nga na Moya lowu yi nga nyika hi Xikwembu, wa Moya wa Xikwembu lowu wu nga exikarhi ka hina, ku fambela ekule na swilo, kusuka eka swona, tani hi sweswo.” Ndzi n’wi hlalerile, hilaha a tikhomisaka xiswona timpapa ta yena. Ntsena loko . . .

<sup>79</sup> Un’wana u teri eka mina nkarhi wun’wana, “Makwerhu Branham, a wu chavi leswaku u ta endla xihoxo xana?” Ee, nkulukumba, a swi kotekei ntsena loko ndza ha ha twa Swin’wana eka mina. Hi swona sweswo. Sweswo swi lulamile. Ntsena loko Xi ri kona, hi Xona xi swi endlaka.

<sup>80</sup> Kutani ndzi hlalerile gama nkarhi wo leha. Nakona u swi vonile leswaku ndza n’wi rhandza swinene, a ndzi nga ta n’wi vavisa. Swingaleswi na yena a nga ndzi chavi, ntsena u hlambisiwe timbilu hi mubokoxeli yaloye, a bokoxela, a bokoxela; a bokoxela, a bokoxela, a bokoxela. Kutani a karhele ha swona, swingaleswi u lo tlula kan’we lokukulu ka kahle, a tlakusa timpapa ta yena kuringana ka mbirhi. Kutani ndzi swi vona leswaku hikokwalaho ka yini hiloko a nghena eka ku huwelela ka mina. Gama lero lerikulu a ra ha tlharhamulanga timpapa ta rona nakambe. Ntsena a swi tikomba ntsena a switiva leswaku timpapa ta yena ti nga tshamisisiwa njhani. Nakona nkarhi hinkawo loko moyu wu fika, a ta hahela ehenhla. Loko moyu wu fika, a ta hahela ehenhla. Kutani ndzi yimile kwalahaya ndzi n’wi hlalela kufikela laha a nyuherile nyana. Hiloko ndzi ku, “O Xikwembu, hi swona sweswo.” A karharhisiwile hi mubokoxeli yaloye, a bokoxela, a bokoxela.

<sup>81</sup> A swi tano, “Kusuka ekerekeni u ya ekerekeni yin’wana. U joyina *leyiwani* a joyina *liyani*.” Kova ntsena ku tiva ku seta timpapa ta wena eka matimba ya Moya lowo Kwetsima ya Yena. Loko Yena a vuya a khandziyile eka wona, ntsena xi va xi khandziyile, a khandziyile wona, kuya emahlweni nale mahlweni nale mahlweni. Sukani eka ku bokoxela loku, ku bokoxela, “Masiku ya masingita ya hundzile. Ku hava xilo lexi va nge i Moya lowo Kwetsima. Hinkwerhu mi hoxile, eka *Lowu*. Ku hava xilo lexi va nge i ku hanyisiwa loko Kwetsima.” Ntsena khandziya u ya emahlweni, ehenhla ka swona. Ntsena pfumelela Moya lowo Kwetsima u famba hi wona, kutani u wu gada u famba. Ntsena yana emahlweni, hi ndlela ya le henhla nale henhla-henhla, u ya yima eka pfhuka lowu u nga taku u nga koti ku yingisela. Mina!

<sup>82</sup> Xikwembu xi endlile gama. Sweswi, loko a ngari na . . . Loko xikhozani xi ringeta ku landzelela gama, xi ta hluveka emoyeni. Loko wukuwuku ri ringeta ku n’wi landzelela, tisiva ti ta hluveka tisuka eka yena. Hi yena xinyenyani lexi xi nga akiwa xipexali.

<sup>83</sup> Xikwembu xi fananisile magama ya Xona na vaprofeta va Xona. Muprofeta wa khandziya a ya ehenhla empfhukeni laha a nga ta langutisa ndlela emahlweni.

<sup>84</sup> Sweswi, loko hi leswaku gama ri na ta kahle, timpapa ta matimba swinene leti ti nga n'wi rhwalaka a ya ehenhla lahaya. Nakona, mahlo ya yena a ma pimanisiwi na timpapa ta yena, a nga hava bofu loko a fika ehenhla lahaya. Hi xona xivangelo xa kuva xikhzani, xi ringetaka kuva gama, loko a ya ehenhla ngopfu, a nga ha koti ku vona, hi ndlela yin'wana, swingaleswi swi ngaka swi nga n'wi pfuni nchumu ku gonya ehenhla. Wa vona? I xinyenyani lexi xi nga akiwa xipexali.

<sup>85</sup> Na Mukreste i munhu loyi a nga akiwa xipexali. Hi swona sweswo. A swi kali swi lava kuya ekerekeni, handle kaloko u ri na Swin'wana leswi ku byelaka leswaku hinkwaswo swi kwalahaya. Wa vona? Hi swi'wana swa xipexali leswi Xikwembu xi ku endlelaka swona.

<sup>86</sup> Gama lero ri nga ha ya ehenhla ku fikela laha u nga ha kote ki ku ri vona, nakona yena a nga ha kota ku vona hinkwaswo leswi swi nga famba-fambaka ehansi, xilo xintsongo-ntsongo; tihlo ra rona ri kahle.

<sup>87</sup> Nkarhi wun'wana lowu wu nga hundza, malembe manharhu kumbe mune lawa ya nga hundza, mina na xinhwenyetani xa mina a hi ri eku fambeni entangeni wa swiharhi a Cincinnati. A ndzi ri na vona kwalahaya ndzhengha wun'wana wa Muqivela, ndzi ri karhi ndzi va komba swilo swo hambanana. Kutani mina na Sarah lontsongo hi rhelerile ehansi, a hari xinhwenyetani lexintsongo kwalaho, a ri na kwalomu ka malembe manharhu hi vukhale. Nakona a hi ri karhi hi jika-jika. Nakona a kuri na gama lerikulu ehokweni.

<sup>88</sup> Nakona ndza swi venga ku vona swiharhi swi pfaleriwile. A ndzi tivi, ntsena ndza swivenga ku vona xinyenyani xo fuyiwa... Sweswi, a ndzi le ku hoxeteleni, ka tipharaketse ta n'wina na swin'wana, kambe a ndzi swi rhandzi ku vona xin'wana na xin'wana xi pfaleriwile. Ndza switiva leswaku swi njhani ku pfaleriwela endzeni ka vukhongeri laha u pfumalaka ntshuxeko. Sweswi, ndzi—ndzi—ndzi lava ku... Ndzi rhandza kuva ndzi tshuxekile.

<sup>89</sup> Kutani, ntsena swi kotisa loko u nyika xinyenyani xa wena xo fuyiwa tivhitamini hinkwato leti u tikotaka, leswaku xi va na tisiva ta kahle na timpapa ta kahle, nakona u xi hlayisa eka hoko. Xana hi swihi swa kahle swi n'wi endlelaka swona?

<sup>90</sup> Xana hi byihi vukahle bya kona loko u rhumela swichumayeri swi ya eka tiseminari na kuya emahlweni, ni kuva dyondzisa, hinkwaswo tani hi sweswo, kutani u va pfafela ehokweni, hi ku vula leswaku, "Masiku ya masingita ya hundzile. Ku hava swo kotisa sweswo"? Hi byihi vukahle bya kona bya kuva dyondzisa? Ku...

<sup>91</sup> Makwerhu, ndzi rhandza swilo leswi nga chucheka, laha u nga ta haha u ti olola wena hi wexe, vukhongeri lebyi byi nga ta ku ntshuxa.

<sup>92</sup> Ndzi lemukile gama leri lerikulu. Ntsena a va ri khomile, va ri hoxa ehokweni. A ndzi ehleketa leswaku sweswo i vusiwana byin'wana lebyi ndzi nga tshama ndzi byi vona. Nakulorhi yaloye lonkulu, a pavalarile kwalahaya ehansi, loko ndzi fika, timpapa ta yena ta kahle letikulu a ti tlharhamukile. Tisiva hinkwato ka tona a ti biwile ti suka enhlokweni ya yena, na ku rhendzeleka hi nhamu na kuya fika emakun'wini ya timpapa ta yena. Ndzi n'wi langutile.

<sup>93</sup> A kasa-kasa a ri karhi a rhendzeleka kwalahaya hokweni. A languta endzhaku ku tsemakanya hi hoko yaleyo, tani hi *sweswo*. Lahawani a ta, kutani a fika a tlumba hoko yaleyo hi nhloko ya yena na timpapa, ntsena a ndundandunda. Loko tisiva tihaha. A ta wa a tlhelela endzhaku. A ta tlhela a pfuka nakambe. A tlhela hi ndlela *leyi*. A ta languta ehenhla. Nakona u ta haha hi ku tika hilaha a nga ta kota hakona, a fika a yi ba hi nhloko ya yena na timpapa, a tlhela a wa. A pavalala kwalahaya, na mahlo lamakulu ya yena ya hundzuluka-hundzuluka, a languta ehenhla.

<sup>94</sup> “Oho,” ndzi ehleketa, “byebyo i vusiwana byin'wana lebyikulu lebyi munhu a nga byi langutaka.” Hi yena xinyenyani xa tilo. U tswaleriwe ku patlalala ematilweni. Nakona lahawani, hi mano na switirhisiwa swa munhu, u pfaleriwile. A nge swikoti... Hi yena xinyenyani xa tilo. A nga tivi nchumu hi lahawani ehansi, hi ku tika. U fanela hi ku hanya etilweni. A pavalala kwalahaya, a languta ehenhla laha hakunene a fanele a ri kona, laha mbilu ya yena yi navelaka kona, kambe ku na tinsimbhi exikarhi ka yena na kona.

<sup>95</sup> Ndzi ehleketa leswaku sweswo i ku vona loku ku terisaka vusiwana, ku fikela laha nkarhi wun'wana ndzi voneke munhu, loyi Xikwembu xi nga n'wi endla hi xivumbeko xa Xona, a pfaleriwile eka tidinominexini na swin'wana swa leswi swi nga pfumeriki eka ku hanyisiwa loko Kwetsima, a pfaleriwile etindhawini leti va nga ta tsandzeka ku ntshuxeka. Va tswariwile hi Tilo. Xikwembu lexi xi nga rhumela Moya xi le ndzeni ka vona, tani hi sweswo, kambe kuva pfalela leswaku va nga kotti ku huma. U vona vavanuna na vavasati va famba exitarateni, va ambale maambalelo ya vugangu, a tisaluni, va pfaleriwile. Kwihi, va fanele ku ntshuxiwa, majaha na vanhwana va Xikwembu. Nakona va biwa byongo byi huma, ku tshunelela, va bisanisiwa hi swin'wana, va ri karhi va ringeta ku tintshuxa.

<sup>96</sup> O Xikwembu, loko a ndzi ri na matimba, a ndzi ta... kumbe vuhos, a ndzi tava ndzi xavile gama lero ra khale kutani ndzi n'wi pfumelela a tifambela, ndzi n'wi pfumelela a famba a

ntshuxekile a ya laha a lavaka kuya kona. Walowo i nchumu lowu wu chavisaka swinene, ku n'wi pfalela.

<sup>97</sup> Kambe swi chavisa njhani, ku teka vana va Xikwembu u va pfalela endhawini laha va . . . Hakunene, moya wa vona wu lava ku huma kwalahaya wu endla swin'wana. Kutani un'wana a ku, "Ku hava swo fana na sweswo tani hi ku hanyisiwa loko Kwetsima. Ku hava xiло xo fana ni lexi va nge i matimba ya Moya lowo Kwetsima. Ku hava nchumu wo kotisa *Lowu*." Mi va hoxa ehokweni. Makwerhu, mi nge ndzi mi byela swin'wana, kuna ntshuxeko.

<sup>98</sup> Siku rin'wana wanuna u khomile wukuwuku ra khale a ri boha, hikuva a ri ri ensin'wini ya mavele. Kutani a . . . Kutani xinyenyani xi sungula ku haha xi ya ehenhla, xi ku, "Tana, Johnny Crow, a hi yi eDzongeni. A hi yi eDzongeni. Nkarhi wa vuxika wu le kuteni."

<sup>99</sup> A va wa vusiwana, a nga swikoti ku famba hi ku hatlisa. A kuri na wanuna wa kahle a ri ekuteni, siku rin'wana, kutani a ku, "Wukuwuku lero ra khale ra vusiwana!" Hiloko a tsema a ri ntshuxa.

<sup>100</sup> Kutani loko a tava a swi endlile, mawukuwuku laman'wana ya ta, ya fika ya ku, "Tana, Johnny Crow, a hi yi a Dzongeni."

<sup>101</sup> Kambe a—a bohiwile nkarhi wo leha, kufikela laha, a ti rhendzelekela kwalaho, a ku, "A ndzi swikoti. A ndzi swikoti." A nga switivi leswaku a ntshuxiwile.

<sup>102</sup> Hi yona mhaka munhu a nga hakona namuntlha. A mi switivi leswaku Yesu Kreste u ku ntshuxile, makwerhu. A hi humeni eka yona. A hi kumekeni kun'wana. Xikwembu xi hi ntshuxile. Mi nga xanisekeli ro fa. Xikwembu xi na minkateko ya xipentekostal eka swibakabaka hinkwako, na—na switirhisawa leswi nga bohiwangiki swa vukahle bya Xona. A hi nghenenii eka swona. "Loyi a swi tsakelaka, n'wi tshikeni a ta. N'wi tshikeni a ta, a ta nwa kusuka eka Mamati ya Vutomi, hi ku ntshuxeka."

<sup>103</sup> Gama, u aka xisaka xa yena ehenhla ematambeni. U kotisa—kotisa Kereke. Kereke ya Yesu Kreste i Kereke leyi yi ngatshama a xigangeni, leyi yi nyikaka Kuvonakala. Yi le henhla. Yi na ndhuma yikulu. Yi fanerile kuva na ku kombela lokukulu, ku langutela, kumbexani. Yi fanela kuva na ku langutela loku ku nga kale henhla, hikuva hi langutela Xikwembu leswaku xi endla swin'wana.

<sup>104</sup> Loko u tile lahawani ndzhengha lowu, i ku, "Kunene, ndzi ya ehenhla. Loko ndzi nga kumeka eka layini ya xikhongelo, swi tava kahle. Kunene, loko Yena a nga ndzi byela leswaku ndzi hanyile, loko Hosi yi nga ndzi pfumelela leswaku ndzi switiva." Oho, u ngavi nakona ku langutela ka muxaka walowo. "Kambe loko Yena a nga swi endlili, swivula leswaku a ndzi nge kumi nchumu." Ku langutela ka wena a ku talanga.

<sup>105</sup> Tana ekerekeni, ndzhengha lowu, loko u vabya, i ku, “Ndzi languterile kuya ekaya ndzi hanyile. A ndzi nge swi tshiki kufikela laha swi humelelaka.” Loko u ngari na wona Moya lowo Kwetsima, u nge, “Ndzi ta tshama kwala na ku bolela kona endhawini yaleyi, kumbe ndzi ta kuma Moya lowo Kwetsima. Ndzi tile lahawani exikarhini ka vanhu lava va nga na Moya lowo Kwetsima. Ndzi tile lahawani laha Moya wu nga kona. Ndzi ta tshama kwalahawani ku fikela laha ndzi Wu kumaka.”

<sup>106</sup> Kotisani Buddy Robinson wa khale leswi a ri xiswona, loko a nghena ensin’wini ya mavele. U teri, “Hosi, loko U nga ndzi nyiki Moya lowo Kwetsima, loko U ta vuya emisaveni U ta fika u kuma nhulu ya marhambu ya Buddy Robinson ya pavalarile kwalahawani.” Yaleyo hi yona ndlela yo swi endla. Hi swona sweswo.

Ha swi xanda.

<sup>107</sup> Munhu, siku rin’wana, a ri eku ringeten i ka ku lava Xikwembu. Nakona minkarhi hinkwayo a ta ku, “Ndzi ponisiwile,” javulosi a ku, “Ee, a wu tano.” Siku rin’wana u chayerile a ya emhandzini. A ku, “Sathana, kusukela sweswi, ndzi ta kombetela eka mhandzi leyi. Leyi hi yona ndhawu leyi ndzi hlanganaka na swilaveko swa Xikwembu, kona kwalahawani.”

<sup>108</sup> U yisa mhandzi ya wena yi ya ehansi, kona etlhelo ka xitshamo xa wena, ndzhengha lowu, i ku, “Sathana, kona kwala hilaha ku kanakana hinkwako ku nga taya ku ya tshama kona. Nakona ndzi ya eku haheni na Yena, ndzhengha lowu. Ndzi ya a ku amukeleni hakunene ka leswi Yena a nga ndzi byela swona ku swi endla.” Loko hi leswaku mi ta swi pfumela.

<sup>109</sup> Gama leri ra khale, loko ri tava ri tilulamiserile ku aka xisaka xa rona, ri gonya ehenhla ematambeni. Kutani ri aka xisaka xa rona ehenhla. Hikuva ri na... Ri lava ku sirhelela swivondlwana swa rona.

<sup>110</sup> Yaleyo i ndlela yin’we na leyi Xikwembu xi yi endlaka. Xi tlakusela Kereke ya Xona endhawini, loko ntsena mi nga Xi pfumelela, nakona Xi ta mi veka endhawini laha u nga tava u ri ekule na mawukuwuku ya misava. Hakunene, Xi ta swi endla.

<sup>111</sup> Swi hambana kwihi na tihuku! Huku i xinyenyani, na yona, kambe yi aka xisaka xa yona ehandle ehokweni kun’wana, ehansi laha matlolota na tinyoka, na hinkwaswo, swi nga ha kumaka swikukwana swa yona. A yi tivi nchumu hi swa tilo. Hambi swi ri tano, wa hari xinyenyani; kumbexani, i makwerhu wa dinominexini, kambe u le—kambe u le—u le hansi yena. A nga tivi nchumu hi leswa le matilweni, ku hahela ehenhla, kun’wana ehenhla laha ku nga ka wasi na ku saseka.

<sup>112</sup> Gama ra khale ra manana, loko ri endla xisaka xa rona. Hilaha ndzi nga ya hlalela hakona minkarhi yo tala, ma ya ma ya kuma timhandzi letikulu, ya tivekela ematambeni. Kutani ma

tikoka tisuka kwalahawani hi nomu wa wona lowukulu, kutani ya tiboha, ya teka byewu bya swiluva ya tiboha. Nakona endzeni ka xisaka ku endliwe hi swiluva swa nhova, hakanyingi, ku boha nyanda leyikulu ya timhandzi, kun'we, leti a nga ti paka lahaya. Kambe ri tiyisisa xisaka xexo hi tinsimbhi leswaku ku ngavi na bubutsa ri nga ta xi hangalasa.

<sup>113</sup> Ndzi tsakile hikuva, “Ehenhleni ka ribye leri Ndzi ta aka Kereke ya Mina, nakona minyangwa ya tihele yi ngaka yi nga yi hluli kulwisana na Yona.” I muxaka muni wa ribye xana? I nhlavutelo wa ximoya.

“Xana vanhu va ri Ndzi N’wana mani mina?”

“Van’wana va ri ‘Elias,’ van’wana va ri ‘Muxe.’”

“Kambe n’wina ke?”

Petro a ku, “Wena u Krese, N’wana wa Xikwembu.”

<sup>114</sup> “U katekile wena, Simon, n’wana wa Yonas. A hi ngati na nyama swi nga ku paluxela swona. A wu swi dyondzanga eka seminara. A wu swi dyondzanga eka munhu loyi a nga ku byela, kambe i Tatana wa Mina loyi a nga eTilweni hi yena a nga ku paluxela swona. Ehenhleni ka ribye leri Ndzi ta aka Kereke ya Mina, nakona minyangwa ya tihele yi ngaka yi nga yi hluli kulwisana na Yona. Mabubutsa ya vutomi ya ngaka ya nga Yi ninginisi.” Hi xona xivangelo xa kuva Yena A tivurile Gama. U akile xisaka.

<sup>115</sup> Kutani gama ra khale ra manana, u tilulamisela mavondlo leswaku ya ta tswariwa, wa huma a ya kuma hinkwaswo leswi a nga swi kumaka, matluka yo olova. A ma teka hi nomu wa yena lowukulu a mavekela endzhaku eka tikhona, a lulamisa hinkwaswo swo tlhava, hinkwako, leswaku swi nga tlhavi mavondlo. A huma a ya kuma nyimpfu, kumbe mpfundla, kumbe xin’wana, a dya nyama ya kona; kutani a—a teka misisi, ku nga voya bya kona, a ya thopela exisakeni. Oho, a xi endla xisaseka hakunene, a endlela mavondlo ya yena lawa ya taka.

<sup>116</sup> Yaleyohi yona ndlela leyi Yehovha wa Gama a yi endlaka, na yena. Ntsena Wa yi lulamisa. Oho, mina! Loko n’wana lontshwa a tswariwa, hikokwalaho ka yini, eka Mfumo wa Xikwembu, ntsena u... U ehleketa leswaku a nga famba, kambe minkarhi hinkwayo u tshamela ro bambela ehansi na le henhla, na ku tsutsuma-tsutsuma hinkwako. Kambe u va a ri na nkarhi wa kahle. U le xisakeni, lexi xi nga tatiwa hi tisiva, ma swi tiva. Ku—ku hela ka tinguva a swi karhati. Kutani yaleyohi yona ndlela leyi manana Yehovha wa Gama a swi endlaka. Ü lunghisa xisaka xa Yena xi va xa kahle hi mapfipfi xi saseka, a endlela mavondlo ya Yena lawa ya nga ta tswariwa.

<sup>117</sup> Endzhaku nyana, mandza ya ta, xikan’we-kan’we kuta xigamani. Kutani a rhelela ehansi, yena na papa wa gama, kutani vaphamela hinkwawo mavondlo ya wona, kufikela laha

ya kulaka yava ka sayizi ya kahle. Kutani loko ya fika eka sayizi yin'wana . . .

<sup>118</sup> Sweswi, mhani wa gama u ta yima na ku magama ya vona a ma negevi swin'wana kukotisa huku. Hi swona sweswo. A ri swilavi leswaku ya bohiwa hi misava. Hi wona magama, na kona wa switiva leswaku hi wona magama.

<sup>119</sup> Yaleylo hi yona ndlela leyi Yehovha wa Gama a yi endlaka. A nga hi lavi hiva tihuku, tihuku ta le hokweni. U hi lava leswaku hi va magama, hi va ehenhla eka wasi, ntumbuluko wa hina i kuva ehenhla lahaya laha hi nga ntshuxeka. "Loyi a ntshuxiweke hi N'wana u ntshuxekile hakunene." Kwalahaya, u valava va va ehenhla lahaya. Swingaleswi, masiku ya ntsongo . . .

<sup>120</sup> Hilaha ndzi nga ya hlalela hakona, minkarhi yo tala ngopfu! Masiku mantsongo loko ku nga se fika ku tlthatliwa ka xisaka, manana wa gama wa khale u ta yima lahaya etlhelo ka xisaka xexo. Ndzi pavalarile, masiku yo tala, emasanini yo kufumela, ndzi ya hlalela, nakona ndzi rila kukotisa n'wana. Wa vona, gama lero rikulu ra manana, ya kurile. Gama ra manana i ri kulu ku hundza gama ra papa. Tin'wana ta timpapa ta tona ti tlharhamuka kuringana khume mune wa tifiti, kusuka ematlhelo kuya ematlhelo.

<sup>121</sup> Nakona ri ta tlakuka lahaya. Ri hlomulela ri ri karhi ri rhendzeleka, eka xisaka xexo, tani hi *sweswo*. Nakona ri taya eka mavondlo lawa. Ri ta fika ri tlharhamula timpapa ta rona letikulu ri huwelela. Loko ri tava ri swi endlile, nkarhi wun'wana swigamani swi ta khukhuleka swi ya le pfungwe. Ri swilava swi swi endla na swona. Sweswo hi leswi ri swi lavaka leswaku swi swi endla. Kutani swi ta pfuka. Nakona ri ta huwelela. Hikokwalaho ka yini? U le ku swi leteleni rito ra yena.

"Tinyimpfu ta Mina ti tiva rito ra Mina."

<sup>122</sup> Ri lava leswaku swi switiva leswaku ri njhani loko kufika nkarhi wo huwelela. Nakona ri huwelela. Oho, mina! "Ndzi mi lava mi khoma noti wun'wana na wun'wana wa rito ra mina," ri ku, "hikuva ku tale ngopfu swidyi swa nyama. Ndzi lava leswaku mi switiva leswaku mi magama. Ndzi mi lava leswaku mi tiva rito ra gama." Amen. Haleluya! "Ndzi mi lava mi switiva leswaku mpfumawulo wa gama wu njhani."

<sup>123</sup> Hiloko ri tlharhamula timpapa ta rona ta kahle, ri ku, "Langutani lahawani. Ndzi lulamisela ku mi nyika ku haha ka n'wina ko sungula ka solo. Kambe, xo sungula, ndzi mi lava mi ndzi languta leswaku ndzi kule njhani."

<sup>124</sup> Oho, swi tsokombela njhani! Kumbexani, nkarhi wun'wana, vuvabyi bya hi gongondzela endzhaku ka hina, kumbe swin'wana, laha hi nga langutaka ehenhla kutani hi teka timpapa ta kona timbirhi ta Yehovha, ti nga Testamente ya Khale na le Yintshwa, kutani hi ku, "U kahle njhani! U kahle njhani, Hosi!"

<sup>125</sup> Oho, ri tsakela kuva komba leswaku. "Langutani lahwani hilaha ndzi nga tiya hakona." U huwelerile a ku, "Leri i rito ra mina."

<sup>126</sup> Nakona xana muchumayeri a nga vula njhani, leswaku, Gama lero a ri huweleli ku fana na masiku hinkwawo, nkarhi wun'wana na wun'wana loko Ri huwelela? Hakunene. "Hi yena tolo, namuntlha, ni hilaha ku nga heriki."

<sup>127</sup> Testamente ya Khale yi teri, "Hi Mina Yehovha. Ndzi pfurile Lwandle ro Ntshwuka. Ndzi humesile vana va Vaheveru va huma ekheleni ra ndzilo. Hi Mina Loyi ndzi nga pfuxa N'wana wa Xikwembu." Haleluya! "Hi Mina Loyi ndzi nga rhumela Moya lowo Kwetsima, hi Siku ra Pentekosta." Loko hi languta hi timpapa ta Yena leta kahle, xana a mi swilavi ku tivona Teto xana? Xana a Ti nyanyukisi mbilu ya n'wina?"

<sup>128</sup> Mavondlo ya magama ya kona ya ri, "Oho, Mhani, ha Ku tshembha hi ntiyiso. U na matimba u tlhela u ri lonkulu."

<sup>129</sup> Humani vusiku byin'wana kutani mi languta ehenhla eka mafambiselo ya sola. Kwalahawani nkarhi wun'wana lowu wu nga hundza, ndzi yisiwile ehenhla eMount Palomar. Kutani kwalahaya, hi ghilazi, u nga ha kota ku vona dzana na makume mbirhi wa mamiliyon wa malembe ya ndhawu ya layiti. U ku vumba, leswaku i timayili tingani ta kona, i kangani. Xana layiti yi hatlisa ku fika kwihi loko yi famba? Nakona eka ndhawu yo ringana dzana na makume mbirhi wa malembe ya ndhawu ya layiti, nakona endzhaku ka sweswo kahari na min'weti, na tineyeleti, na misava. "U kahle njhani! U kahle njhani!" Swigamani swa Wena swi sungula ku halahala. "U kahle njhani!"

<sup>130</sup> Hi lexi xiluva. Xa fa. Xi nghena ehansi, kambe hi lexi xi tlhelaka xi vuya nakambe. "U kahle njhani!"

<sup>131</sup> Hi loyi munhu wa vusiwana wo dyuhala loyi a nga tshikiwa hikwalaho ka mfukuzani loyi a nga na ndzhuti, nakona u khongeleriwile. Lexi landzelaka, ma n'wi vona, wanuna lonkulu wa xikandza xo tshwuka. "U kahle njhani! U kahle njhani!"

<sup>132</sup> Ma n'wi vona mukhegula exitarateni ehandle lahaya, loyi a nga ringaneleki leswaku a nga langutiwa hi timbyana. Pfumelela matimba ya Xikwembu ya khoma rinoko ra yena nkarhi wun'wana, u ta tlhava mukhos, "U kahle njhani!" U ta veka etlhelo ntiko wun'wana na wun'wana na vudyoho byi n'wi tsemakanya hi ku olova. Xo sungula mi xitivaka, i munhu loyi a langutekaka a kwetsima. U humile na xibukwana xa Evhangeli lexi xi nga ehansi ka khehele ra yena, a ri karhi a endla swin'wana.

<sup>133</sup> Pfumelela xilovekelo xexo, ehansi ekhoneni, munhu yaloye wa xiyutha, n'wi pfumeleli nkarhi wun'wana a languta ehenhla a vona. "U kahle njhani!" N'wi languti loko a tshika ku xavisa thothotho, a tshika kunwa na ku zaha, tisigarete ta yena na

tisigara, a tshika ku vula vunwa bya yena, na kuya emahlweni. Kutani a famba exitarateni, a khome Bibele evokweni ra yena, a ri karhi a mbhoniyela hi ta ku kwetsima ka Xikwembu, “U kahle njhani!”

<sup>134</sup> Pfumelela Xikwembu xi ku tlharhumulela Testamente yaleyo Leyintshwa na ya Khale, nkarhi wun’wana. U languta hi mapheji ya Yona kutani u vona leswaku Yi yini. U ta twa Rito ri ri karhi ri huwelela ri suka Kwalahaya, ri ku, “Hi yena tolo, namunthla, ni hilaha ku nga heriki. Leswi Ndzi nga va endlela swona, Ndzi ta mi endlela swona. Nakona Ndza ha ri yaluya. Ndzi Yehovha. A ndzi ncinci.” Ndzi twa ndzi kateka sweswi. Oho, mina! Hilaha ndzi Ri tivaka ri ri kahle hakona. Ri Ntiyiso.

<sup>135</sup> Sweswi, manana u ti byerile, leswaku swigamani swa yena swi ngaka swi ngavi tihuku. Kambe u ti byerile leswaku swi ngaka swi ngavi tano. Ma switiva leswaku u endla yini kwalaho? Endzhaku kaloko ri hlomulerile ehenhla na le hansi ka xisaka, nakona a tlharhamula... A ku, “Languta lahwani, murhandziwa, ndzi kahle njhani. Languta lahwani. Mi ta fanela ku ndzi tshembha. Ndzi ta mi teka ndzi mi yisa kun’wana laha mi nga ta ndzi tshembha.”

<sup>136</sup> Xana ndzi switiva njhani leswaku Xikwembu a xi rhumelanga vanhu lava va vabyaka lahwani ndzhengha lowu, hi ndlela yo fana? Xi mi yisa endhawini laha dokodela... Mi ri, “Ndzi Mukreste, Makwerhu Branham.” Ndza switiva. “Nakona ndzi na Moya lowo Kwetsima, nakona hi mina loyi, ndzi xanisekaka.”

<sup>137</sup> U switiva njhani leswaku Yehovha a nga le ku ringetenri ka ku ku endla leswaku u languta hi timpapa u vona leswaku U kahle njhani? “Ndzi kahle njhani! Ndzi ta mi endlela swin’wana, leswaku mi ta kota ku Ndzi tshembha.” Kwalaho mi nga kona. “Nakona Ndzi mi lava mi switiva leswaku mi tshembhela yini, kusungula. Mi vona timpapa ta Mina letikulu?”

<sup>138</sup> Kutani, endzhaku ka masiku mantsongo, ma switiva leswi manana yaloye a swi endlaka? Ntsena loko mubedwa walowo wu endlive wu olova, swigamani swa kona swa khale a swiswilavi ku wu tshika. A hi swona. Ma switiva leswaku u endla yini? Kutani u tshunela kwalahaya, a susa nomu wa nyangwa ri pfalula hi swintsongo-ntsongo swa voya lebyi byi nga kwalahaya, ri ri karhi ri swi cukumeta swi suka exisakeni. Ri ti byerile leswaku a swi fanelanga ku tolovelana na misava. Hi swona sweswo.

<sup>139</sup> Sweswo hi leswi Xikwembu xi swi endlaka, nkarhi wun’wana. Oho, mi ehleketa hi swin’wana leswikulu na hinkwaswo swa huwa, na hinkwaswo. Mi nga languti eka sweswo. Hikokwalaho, mi le kule ku ringana miliyonu wa timayili kusuka eka pentekosta. Vanhu va pentekosta a va languti swilo leswi swi olovaka. Va xavisile leswi a va ri na

swona va nyika swisiwana, kutani va huma va famba na Kreste, a ri yexe. Nakona, namuntlha, hi fanele ku fuma nhlayo yo tala ya ti Cadillacs hi nga seva va ximoya. Xana ku humelela yini? Swin'wana swi hoxekile, kun'wana.

<sup>140</sup> Mina, mi nge mina ndzi titekela ndlela na Hosi na vantsongo lava va soriwaka. Ndzi sungule na Yesu. Hosi, ndzi teki u ndzi yisa emahlweni, ehansi ka xiyimo xin'wana na xin'wana.

<sup>141</sup> Vanhu va chava hi ku Tswariwa lokuntshwa. Yaleyo hi yona mhaka. Va chava ku tswariwa nakambe.

<sup>142</sup> Un'wana na un'wana wa switiva leswaku ku tswariwa kun'wana na kun'wana, a ndzi na mhaka ni leswaku hi le kwihi, i thyaka. Loko kuri a hokweni ya tinguluve, kumbe kuri eka xihula xa byanyi, kumbe kuri ekamareni ra xibedlele leri nga khavisiwa hi swa pinki, ku tswala i thyaka. Nakona vanhu a va ha swilavi ku kuma thyaka.

<sup>143</sup> Kambe, ndza mi byela, a ndzi swilavi ku hlangana na Xikwembu eka xiave xa mina. Ndzi lava ku hlangana na ku Tswariwa lokuntshwa eka levele ya Xikwembu. A ndzi na mhaka loko ndzi fanele hi ku rila, ndzi endla huwa, ndzi vulavula hi tindzimi, hinkwaswo leswi ndzi nga swi endlaka. A ndzi na mhaka ni leswaku i vamakhelwani vangani va vulavulaka hi mina. Ndzi tshike ndzi tswariwa nakambe.

<sup>144</sup> A ndzi na mhaka ni leswaku i xiyimo xa muxaka muni, loko ndzi fanele hi ku poyila hinkwako ku duma ka mina. Ndzi hava na nchumu, hi ndlela yin'wana. Walowo i nchumu wun'we lowu ndzi nga swilaveku ku wu tshika. Ndzi hava na nkucetelo kumbe ndhuma. Ndzo va munhu ntsena, ku sungula hi swona, swingaleswi a ndzi na nchumu. Kambe a ndzi—ndzi—ndzi na mhaka ni leswi swi nga xiswona, ndzi tilulamiserile ku lahlekeriwa hi hinkwaswo nakona ndzi va xiphukuphuku xa Mfumo wa Xikwembu. Mi lava ku ndzi vitana, "Muvumbuluki wo kwetsima, kumbe wa ximoya, kumbe javulosi, kumbe muhlayi wa miehleketo." A ndzi na mhaka ni leswi va swivulaka.

<sup>145</sup> Ndzi lava Yesu. Hi xona xikongomelo xa hina xexo. Eka levele leyi xi nga eka yona, a ndzi na mhaka. Ndzi lava ku hlangana na Xona eka mpimo wa Xona; kungari eka, leswi ndzi ehleketa ka leswaku hi swona, kumbe eka leswi un'wana a nge hi swona. Ndzi lava leswi Xikwembu xi nge hi swona. Sweswo hi swona. Loko Xi teri, "Hi Xona xa tolo, namuntlha, ni hilaha ku nga heriki," ndzi lava ku Xi vona eka levele yaleyo. Loko ndzi fanele hi ku chumayela nyandza ya timhandzi, ni tlhela ndzi dya makhekhe ya soda crackers, ndzi nwa na mati ya bakwa, ndzi va ndza ha lava Evhangeli. Ndzi lava Kreste eka levele leyi Kreste a nga tata eka yona.

<sup>146</sup> Ri fika ri nghena kwallahaya ri fika ri cukumetela leswo olova ehandle. Nkarhi hinkwawo swigamani swa kona swi sungula

ku tshama ehansi, swi le ka swiluva swa swona. I maendlelo yo khomelela. Ri . . .

<sup>147</sup> Sweswo hi swona. Pfumelela javulosi, ntsena tani hiloko swi lava . . . “Oho, xana u ponisiwe madyambu ya tolo?”

“Ina. A ha. Ina. Ndzi swi endlile.”

“Sweswo . . . Oho, ndzi tsakile ha sweswo.”

<sup>148</sup> Kambe, u sungula ku hanya vutomi, hi ku kongoma va ri, “Muvumbuluki wo kwetsima! *Swingere-ngere!* Oho, ndzi vona ntlawu u nga ka wona.” Wa vona?

<sup>149</sup> Xi mi pfumelela ku vabya, kan’we hi xinkadyana. A Xi mi lavi leswaku mi tolovelana na misava leyi, ma swi vona. Xi mi lava leswaku mi kumeka . . .

<sup>150</sup> Manana yaloye a nga swilavi leswaku tihuku ta yena ti . . . magama ya kona leswaku ya ngava tihuku. Ri swi lava swi huma eka xisaka xexo. Swingari na mhaka ni loko swi ri eribyeni, kumbe laha swi nga kona, u na swin’wana swo antswa swa swona.

<sup>151</sup> Xikwembu xi na swin’wana swo antswa eka Kereke. Mi nga tshami ntsena mi ku, “Ndzi Mupentekosta.”

<sup>152</sup> Un’wana u teri, nkarhi wun’wana, a ku, “Makwerhu Branham . . .” Mukhalabya un’wana loyi a tshamaka a Arkansas, u hanyisiwile. A ri eku fambeni hi siku leri ri tlhandlamaka hi tinhonga ta yena. A xavisa tipenisele axitarateni, kuringana malembe na malembe. A ri karhi a jika-jika, a ri na sayini leyikulu leyi nge, “A ndza ha tilavi nakambe, kusukela loko Yesu a tile eka mina,” a ri karhi a jika-jika. Nakona vusiku byebyo, u tlakukile a yima etshungwini, nakona hi maendlelo yo kotisa *lawa*, a Robinson Memorial Auditorium a Little Rock. Hiloko a ku, “Yima nyana, Makwerhu Branham,” (loko ndza hari eku chumayeleni). A ku, “Yima nyana.” A ku, “Wa switiva, loko u chumayela . . .” A ri wa Nazarene. A ku, “Wa switiva, u chumayela kukotisa Munazarene. Nakona ndzi lemukile leswaku vanhu vo hlaya lava va nga lahwani i Mapentekostal. Nakona un’wana u ndzi byela leswaku u Mubaptist. A ndzi swi twisisi.”

<sup>153</sup> “Oho,” ndzi ku, “sweswo swa olova. Ndzi wa Pentekostal Nazarene Baptist.” Sweswo hi swona swi nga xiswona. Ina, nkulukumba. Oho, makwerhu, swisana swa vona!

<sup>154</sup> A ndzi tolrevele ku tshama kwalahaya, loko hi byisa tihomu tiya ehenhla ka tintshava, na tsolo ra mina leri a ri tsemakanyile rimbondzo ra xitulu xa hanci kwalahaya, ndzi hlalerile rhenjas yaloye loko a hlalerile tihomu leti a ti nghena. Ta hina a ti ri ta le Tripod. Grimes’, kwalahaya, a ti ri ta Diamond T-Bar. Totala ta vona a ti ri ta tiba to hambarana na kuva tihisiwile hi swisana swo hambarana. Rhenjas a ngari na mhaka ngopfu na kuhisiwa ka tona. U languta tag ya ngati.

<sup>155</sup> Amen. Sweswo hi leswi Xikwembu xi yaka xi ya languta swona. Xi langutisa tag ya Ngati. A Xi na mhaka na ku i xisana xa njhani lexi u nga na xona. Hikokwalaho ka yini? (A kuri hava lexi a xi ta nghena eka madyelo ya lawa handle ka leti ti nga funghiwa hi ku hisiwa ta le Hereford.) Nakona kuhava lexi xi nga ta nghena eka tigede tale Tilweni handle ka loyi a nga tswariwa ra vumbirhi, hi Ngati ya Yesu Kreste. A ndzi na mhaka ni leswaku u endla yini, u tlharihe njhani, kumbe u muchumayeri wa kahle njhani, kumbe u xirho xa kereke xa kahle njhani. Handle kaloko u tswariwa hi Ngati ya Yesu Kreste, na tag ya Ngati leyi yi nga eka wena, u ngaka u nga ngheni. Hi swona hinkwaswo sweswo eka swona. “Loko Ndzi vona Ngati, Ndzi ta hundza eka n’wina.” Hi swona hinkwaswo. U ta mi pfumelela mi nghena loko tag ya Ngati yi lulamile. Xikwembu xi ta langutisa Ngati ya N’wana loyi a nga wa Xona N’winyi eka Kereke.

<sup>156</sup> Gama leri ra khale ra manana, u hlalerile swigamani swa rona, oho, nkarhi hinkwawo. Swingaka swi nga tshami ehansi. Yi hinkwako. Kova mitwa ntsena, mitwa, mitwa.

<sup>157</sup> Sweswi, kuna swin’wana leswi faneleke ku endleka hi Kereke yaleyo ya Pentekostal eka xisaka xexo, leswi swi nga ta endla leswaku swi ngavi vabohiwa va xisaka. Hi swona sweswo. Sweswi, a ndzo va kurhaheteleni ku lwisana na minhlangano. Sweswi mi nga nghenisi sweswo emiehlekeweni ya n’wina. Kambe, ndzi le ku ringeten ka ku vula leswaku, mi nga yi pfumeleli yi va ndhawu ya n’wina yo yima kona. Mi kahle. Ndza yi rhanda minhlangano. Ndzi nghena eka yin’wana na yin’wana ya tona. Wa vona? Hakunene, ndza swi endla. Ina, nkulukumba. Ndzi tswaleriwe eka wona. Wun’wana na wun’wana lowu wu nga endzeni ka kereke; ndzi tswaleriwe kwalahaya. Kambe ntsena u nga yimi eka yona, ntsena u nga yimi eka nhlangano walowo. Yana emahlwени na Xikwembu, ku fikela laha—ku fikela laha u humaka kwalahaya u ya haha eka munandhi wa solo.

<sup>158</sup> Sweswi, xosungula u xi tivaka, loko manana wa khale a tava a kunguhatile leswaku u ya nyika vana va yena ntokoto nyana wuntsongo. Sweswi, swi ta joyina kereke na swin’wana swi kahle, kambe loko swi sungula ku khomelela. Ku na swin’wana swi nga hoxeka. Kutani manana wa khale a ta hi lahaya emahlweni ka xisaka, siku rin’wana. A fika a languta vanakuloby lava lavantsongo, nakona swi ri na tisiva leti ti nga helelangiki eka swona. Wa switiva leswaku loko a nga kota ku teka vona vanakulorhi lava lavantsongo a va yisa emoyeni, va ri na tisiva leti ti nga helelangiki ku mila, va ta tshoveka tinhamu.

<sup>159</sup> Nakona ndza mi byela, loko kereke ya Pentekostal yi nga kumi ku basisiwa ka kahle, va taya va ya tshoveka tinhamu, na vona. Ntsena tsundzukani sweswo. Kuna tisiva to tala ta leti ti nga hluveka. Hi yona mhaka yaleyo.

<sup>160</sup> Ma switiva leswaku ri endla yini? Ri ya exisakeni, kutani ri teka timpapa ta rona letikulu kutani ri sungula ku swi bela moya tani hi *sweswo*. Oho, a wu se tshama u yima etlhelo ka xihaha-mpfhuka, ku kondza, u kuma leswaku, tisiva leti nga hluveka ti haha-haha loko moya walowo wa matimba wa xihuuhuri wu sungula ku kukula tisiva ta swona vanakulorhi lava lavantsongo.

<sup>161</sup> Ndza mi byela, kereke yi lava ku ninginisiwa ka xisaka namunthha, hi Moya wa matimba wa xihuuhuri, ku susa misava hinkwayo yi huma eka kereke ya Pentekostal, laha va nga ha endlaka solo. Hi lava Evhangeli yin'wana ya xikhale, ya Moya lowo Kwetsima, leyi nga tswariwa hi Xikwembu, xi rhumela mpfuxelelo. Sweswo hi swona hakunene. A hi kali hi lava presidente lontshwa; hi na yena un'wana, wo saseka. A hi lavi lontshwa, ku lava timeyara tintshwa ta doroba, hambi swi ri tano. Sweswo a hi... Walowo i ntirho wa vona. Kambe leswi hi swi lavaka, tani hi tiministara, i ku chumayela Evhangeli na ku tisa kereke endzhaku eka pentekosta nakambe, ku yi vuyelerisela endzhaku eka ntokoto wa gama nakambe. Sweswo hi leswi kereke yi swi lavaka. Sweswo, oho, ntsena... A mi kali mi lava kuva tihuku. Mi magama. Mi fanele hi ku teka Swakudya swa gama.

<sup>162</sup> Nakona hi loyi u kona, u tshamile lahaya, a ri karhi a susetela tisivanyana leta khale ti ya ehandle. Hikuva, loko o ka a nga swi endli, swi... Loko swi ngari tano, a swi salelanga hi tisiva to enela leswaku swi nga haha. A ngaka a nga swi teki ku kondza tisiva ta mavondlo hinkwato tipfurheteriwa tisuka eka vona.

<sup>163</sup> Kutani ri ta ri fika kwalahaya, kutani ri huwelela. U va atilulamiserile kuva nyika ntokoto wun'wana kwalaho. Ri hoxa madyi mpapa ya dyona ya khume mune wa minkondzo dyi ya tlharhamula tani hi sweswo. Swigamani leswi leswintsongo swi huma, swi khandziya eka tona. Ri vulavula na swona kwalaho, hikuva swi ri twile rito ra rona. Swa switiva ku n'wi tshembha, hilaha ri nga ta haha ha kona. Ri ri—ri, "Sweswi, vana, ndzi mi yisa eka ku haha ka solo." Un'wana na un'wana a khandziyi, kutani xi tlakusa xinengani xa xona, kutani xi fikelela eka timpapa, xi tlhandleka xinon'wana nyana xa xona ehenhleni ka rin'wana ra tisiva. Hikokwalaho ka yini, leswaku xi nga suki. Ri nga ha rhwala makume ntlhanu wa magama, hi matimba ya risiva lero ri nga eka ripiku. Nakona xikhomelela risiva hi ndlela *yaleyo*, kutani manana wa khale a tlakusa tipiku ta yena hi ndlela *yaleyo*, a haha a suka a ribyeni.

<sup>164</sup> Lahaya wa famba, a ri karhi a tlutela ehenhla, ehenhla, ehenhla, ehenhla, ku fikela laha ri fikaka ehenhla eka wasi, a henhla. Vanakulorhi lava lavantsongo a va se tshama va va kwalahaya. Oho, ntsena swiva na nkarhi wa kahle.

<sup>165</sup> Xo sungula, mi xi tivaka, ma switiva leswaku ri endla yini? Ra hundzuluka ri swi zuza, xin'wana na xin'wana, xi suka. I magama. Swi fanele swi switiva leswaku ku hahiwa njhani. Hi swona sweswo. Ra swi zuza, eka swona hi swoxe. Kunene, swin'wana swa swona vanakulorhi lavantsongo . . . Ra huwelela, "Hi swona, vana, mi magama. Hahani."

<sup>166</sup> Ntsena loko ma ha ku, "Kunene, ndzi nghena eka kereke *leyi*. Ndza mi byela. A ndzi switivi *Sweswo*." Mi ngaka mi nga hahi. Aha. Aha. Hi swona. Mi lava ku ninginisiwa nyana nkarhi wun'wana, ehenhla emoyeni.

<sup>167</sup> Swigamani swa kona swi sungula ku haha. Ri huwelela ri ku, "Tlharhamulani timpapa ta n'wina, vana. Ntsena tshamelani ro tlharhamula ripfumelo ra n'wina lerintsongo, ehenhla nale hansi. Mi le henhla ku enela sweswi a mi nge bi misava." Ma switiva leswaku i yini? Leswaku ri endla yini, ri hahele etlhelo, leswaku ri swi languta. Ri tluta hi ku rhendzeleka. Kutani hi leswi lahawani, ntsena—ntsena kukotisa mpfuxelelo wa Pentekostal, ntsena kuva ehenhla, na ku voyama, xin'wana eka xin'wana, xin'wana, ntsena swi ri karhi swi tluta, hinkwako laha swi nga ku endlaka. A swi na mhaka. Swi na ku tshembha ka le henhla eka mana wa swona loyi a nga kwalahaya a nga swi hlalela.

<sup>168</sup> Xana kereke yi fanele hi ku endla yini? Loko xin'wana xa swona lexintsongo, swigamani swi lahlekeriwela hi ku balansa, ri rhelela ehansi hi timpapa letikulu ri fika ri xi rhwala, kutani ri xi tlherisela ehenhla nakambe eka tintswalo. Sweswi, sweswo a hi ku dyondzisa ka Baptist. Yaleyi i Bibele. Swingaleswi, ri xi tlherisela endzhaku ehenhla. Ri fika ri xi zuza nakambe; a xi sunguli hi vuntshwa. Amen.

<sup>169</sup> Magama lawa ya na ku tshembha eka mana wa wona, ku tshembhela ka le henhla, leswaku manana yaloye u tava pfuna ni kuva rhwala va ya ehenhla nakambe. Ya rhwariwa ehenhla ka timpapa ta gama, kutani ri va yisa ehenhla lahaya ri ya va ninginisa nyana ri va zuza nakambe. Mi nge a sungula nakambe. Loko mi nga . . .

<sup>170</sup> "Loko ndzi nga wa kumbe ndzi hluleka, u nge ndzi pfuka nakambe ndzi ringeta, O Hosi." Famba nakambe. Xikwembu xi ta ku tlakusa xi ku tlherisela endzhaku ehenhla nakambe, xi ku yisa ehenhla kwalahaya xi fika xi ku zuza nakambe. Ringeta ku ti balansisa hi wexe, nakona u famba u ya emahlweni. Ntsena tshamela ro kawata kufikela laha u dyondzaka ku haha. Oho, mina! Huku ya khale ya vusiwana a yi tivi nchumu ha sweswo. A hi tivi nchumu hi nchumu wo kotisa walowo, hikuva a nge se tshama a kumeka ehenhla lahaya; kuhava na mikwembu ya yena ehenhla lahaya. Hinkwaswo leswi a swi tivaka i ku joyina kereke na ku tshama ehansi, wa vona, ehokwени. A nga switivi ngopfu ha swona.

<sup>171</sup> Nkarhi wun'wana wanuna u byamerise huku, nakona a nga kumi mandza yo enela. Swingaleswi hiloko a kuma xisaka xa gama, kutani a gonya a ya kuma tandza ra gama a ya ri byamerisa hi huku. Kutani loko ntlawa walowo wu kume mukufukufu wu tlhotlhorha, gama lero a ri ri nakulorhi loyi a languteka a ngari kahle, eka tihuku hinkwato.

<sup>172</sup> Yaleylo hi yona ndlela Ri tisaka xiswona, rin'we ri humaka eka ntshamiseko wun'wana na wun'wana. Ntsena hi ndlela leyi swi humelerisaka xiswona. I ntiyiso walowo. Nakona lahwani hi loyi, nakulorhi lontsongo loyi a langutekaka a hlekisa nyana.

<sup>173</sup> A nga swi twisisi ku nkekela ka mbhaha, mbhaha wa khale lowu wu nga—wu nga lahayta etaleni ejarateni, “Hi ya ekuveni na swakudya swa kahle swa na madyambu vusiku lebyi. Hi ya eku endleni hinkwaswo *leswi*, tani hi sweswo. Wu nkekela, wu nkenkela, wu nkenkela. Masiku ya masingita ya hundzile. Kuhava nchumu wo kotisa walowo wa ku hanyisiwa loko Kwetsima. Wu nkenkela, wu nkenkela, wu nkenkela, wu nkenkela.” Wu ri karhi wu dya thyaka lero ra khale ra tiphati ta bankho, na tigeyimi, na ku hluvula swiambalo, na hinkwaswo swo kotisa sweswo, tithelevhixini na muxaka hinkwawo wa thyaka lero.

<sup>174</sup> Nakulorhi yaloye lontsongo a ri gama. Sweswo a swi kalanga swi tshama na yena. Swi n'wi endle leswaku a nhlata, ku swi nuhwetela. A nga ha, “Mina, ndzi ngaka ndzi nga swikoti sweswo.” Ku jikajika kwala, mina, a ri munhu loyi a hlekisa loko mi nga n'wi languta.

<sup>175</sup> Va teri, “Oho, tana, murhandziwa. Hi ya va na ntlangu lowukulu, vusiku bya namuntlha. Hi ya eku tirheleni.”

<sup>176</sup> A nga kalanga a lava na nchumu swa swakudya sweswo. U jikajikile a swi vona. “Yini? Ndzo va sekwa leri ri langutekaka ri nga twisiseki lahwani.”

<sup>177</sup> Nakona ndza ku byela nchumu wun'we, makwerhu, loko munhu a tswaleriwe kuva n'wana wa Xikwembu, tidyondzo ta khale ta kereke na tidinominexini swingaka swi nga ku enetisi. Ee, nkulukumba. Swilo swa misava, tigeyimi ta tibasketball, na tiphati, na—na tigeyimi ta bankho, na hinkwaswo swihungasi leswi leswi tikereke ta ximanguva lawa ti swi endlaka namuntlha eka siku ra hina. A swihlamarisi, va pfumelelana, “Xi kwihi Xikwembu?” Va khomisile Xikwembu tingana xi suka eka vona. Hi swona sweswo. Ina, nkulukumba. Tihuku to kotisa maendlelo ya lawa, kambe magama a ya swi endli sweswo. Sweswo a hi swakudya swa gama.

<sup>178</sup> Lahawani hi loyi wa famba, a jikajika kwalahaya. Nakona, mina, hinkwaswo...hinkwaswo ka swona swi halahala. Hinkwaswo swi tsutsumele eka ndhawu ya *leyi*. Ntsena...Yi ta handza yi humesa swin'wana swo languteka swi thyakile,

nakona swi ta tsutsumela kona swi ya dya. Aha! “Oho, tanani, tanani, hi joyineni.”

<sup>179</sup> Kambe i munhu loyi a nga tiava. Ina, nkulukumba. A nga kali a lava na nchumu swa swilo sweswo. A swi languteki swi ri kahle eka yena. A swi nuhweli kahle. A swi na moywa kahle wa kwalahaya. A nga swi tsakeli sweswo, eka hinkwaswo. U te, “Ee, ee.”

<sup>180</sup> Nakona siku rin’wana, manana wa khale wa gama u tile a ri karhi a n’wi hlota. (Ndzi tsakile hikuva U tele mina.) U hahele ehokweni, a languta ehansi kwalahaya, hiloko a vona xin’wanyana xa yena. Kutani a huwelela. A ku, “Murhandziwa, a wu huku. U wa mina.” Loko a tava a twile rito lero, u langutile ehenhla. Sweswo a swi twakala kahle. Ntumbuluko wa yena i wa gama. Ntumbuluko wa yena.

“Yesu Kreste hi yena wa tolo, namunthla, ni hilaha ku nga heriki.”

“Amen,” a huwelela a hlamlula.

<sup>181</sup> “Mi nga rhandzi misava kumbe swilo swa misava; loko mi swi endla, rirhandzu ra Xikwembu a ri kona eka n’wina.”

“Amen,” u teri. “Sweswo swi twakala kahle.”

<sup>182</sup> “Loko ndzi tlhela ndzi vuya, murhandziwa, u nga ha kota ku tlula. Nchumu wun’we lowu u nga wu endlaka i ku kavata swimpapani swa wena swa ripfumelo. Ri ta ku rhwala.”

“Ndzi ta huma njhani eka yona, mami?”

<sup>183</sup> “Ntsena kavata timpapa ta wena. Hi swona sweswo. U ta huma. Ntsena teka ripfumelo ra wena u tlhava goza u huma eka yona. U famba u ya kavata, hikuva u gama, kusungula hi swona. Hakunene. U gama, kusungula hi swona. Kavata timpapa ta wena.” A ri ri karhi ri tluta kwalaho, ehenhla. “U languteka ku kotisa un’wana wa mina kwala ehansi, kwalaho u nga kona.”

<sup>184</sup> Hiloko nakulorhi lontsongo a tlula hi milenge ya yena, a tiyisa ehenhla na le hansi, ka mune kumbe ku ringana ka ntlanhu, wa tiva, ku kotisa loko a phokotela mavoko ya yena, kumbe timpapa, kun’we, tani hi sweswo. Nakona xosungula mi xi tivaka, u susile milenge ya yena ehansi.

<sup>185</sup> Kambe wa switiva leswi a swi endleke? Xigamana loyi, u tshamile ehenhla ka pala ehokweni, axikarhi ka dinominexini leyikulu ya Pentekostal. Ma tiva i yini? Manana wa gama a hahela kwalahaya nakambe. A n’wi languta, a ambarile swileke, a bobo na misisi, a tipendile na xikandza. A ku, “Murhandziwa, u languteka ngopfu u ri xikhonzani xa pentekostal kutlula loko u ri gama ra pentekostal. U ta fanele ku hlambanyana swintsongo kutlula sweswo, kumbe ndzi nga swikoti ku ku kuma.” Hi swona.

<sup>186</sup> A ndzi vuli ku mi vavisa, kambe ndzi lava ku kerha swin’wana swi suka eka n’wina. U nge ndzi ku byela, makwerhu.

Hikokwalaho ka yini, kereke ya Pentekostal yi lava ku basisiwa, kusuka aphulphitini kuya fika exitulwini, hi swona sweswo, hi ri karhi hi veka etlhelo mintiko. A swi hlamarisi loko hi ngari na wona mpfxelelo, hi dya swilo swa vukuvuku, hi tshama ekaya na madyambu hi hlalela leswi hi swi rhandzaka swa thelevhixini ematshan'wini yo ya exikhongelweni xa n'wina. Mi ambarile leswi swa khale... Vavasati va ambarile swiambalo leswi, na vavanuna va pambula swintsongo, swinwi swo tihungasa, na ku vula mafenza ya thyaka na swin'wana eka un'wana. Xana mi vula yini, vavanuna? Xikwembu a xi nge xikeli ehansi eka thyaka ra ma endlelo yalawa.

<sup>187</sup> Mi nga hava na tikereke letikulu ngopfu lahaya etikweni. Mi nga hava na mali yo tala kutlula leyi mi nga tshama mi va na yona. Sweswo a swo va nchumu. Mi nga ha tihlanganisa ni lava va tivitanaka ntlawa wa swidyondzeki swo antswa. Mi nga ha ambala suti ya betere ya swiambalo, kambe, makwerhu, Xikwembu xi lava mbilu leyi yi tengeke na mavoko yo tengen. Xi lava kereke leyi yi nga basa, kutani Xi nga ha tikombisa Xona hi xoxe.

<sup>188</sup> Loko Xikwembu xi tlharhamula timpapa ta Xona leta kahle xi kombisa matimba ya Xona, leswaku hi Xona xa tolo, namunthla, ni hilaha ku nga heriki, gama ri taku, "Ina, Hosi. Sweswo hi leswi ndzi swi lavaka. Ndzi lwela swona. Ndzi tela swona." Hakunene. Hi Xona xa tolo, namunthla, ni hilaha ku nga heriki.

<sup>189</sup> Mina, xana nkarhi wa hina wu ye kwihi? Ntsena ndzi—ndzi titwa ndzi ri eku chumayeleni sweswi. Ntsena ndzi... Kambe—kambe hi... Kwihi?

<sup>190</sup> Oho! Leswi kereke ya Pentekostal yi swilavaka i ku basisiwa. Yi lava ku hlantswiwa. Yi lava ku ridimbiwa, yi kwetsimisiwa. Vanhu, a mi va misava. Mi ngati fananisi na vanhu van'wana. Mi nga ringeti ku enceneyeta kukotisa switlangi swin'wana swa muvh. U nhwana wa Xikwembu. U jaha ra Xikwembu. U nga ringeti kuva Matt Dillion kumbe un'wana. U nga ringeti kuva Peabody Ernie, kumbe hilaha vito ra yena ri nga vaka hakona, kumbe van'wana va vanhu lava. A wu tano... [Thonsi leri ngariki na nchumu eka thepi—Muhleri.] "Mi nga rhandzi swilo swa misava. Loko mi rhandza misava, kumbe swilo swa misava, rirhandzu ra Xikwembu a ri kona hambi kuva kona endzeni ka n'wina." Ndza switiva, makwerhu, sweswo swa nyenjetsa. Swi ku hlambisa timbilu sweswo.

<sup>191</sup> Manana wa mina wa khale lontsongo a toloverile ku ndzi byela leswaku. Hinkwerhu ka hina vana lavantsongo a hi ta ta hi Muqivela na vusiku, na bavhu ra khale lerikulu ra sedari, kutani a ta chela mati endzeni ka rona, kutani—kutani a nghenisa n'wana un'we leswaku a hlamba. Nakona a ndzi tava wo hetelela eka lava va khume. Nakona a ndzi tava wo hetelela ku

hlamba eka bavhu rin'we ra mati, ntsena ku ma kufumeta nyana swintsongo. Nakona mhani a ta teka . . . A ri na swin'wana swa vusiwana, hi . . .

<sup>192</sup> A tateka nyama ya madzovo ya khale a yi kwamulela, leswaku a—a kuma mafurha lawa ya humaka eka wona. A hi tsandzeka hambi kuri ku xava furha rinene ra nguluve, kutani swingaleswi a ta kuma mafurha lawa a ya huma eka wona, leswaku a ma chela eka xinkwa xa khoni. Nakona a hi ri na tinyawa leti a tititaniwa tihlo ra ntima, marhangya rihlaza, na xinkwa xa khoni. Nakona—nakona hi va na . . .

<sup>193</sup> A hi kumeka hi ri na tialeji na swin'wana, nakona manana, vusiku byin'wana na byin'wana bya Muqivela, a ta hi nyika mafurha ya nhlampfurha lawa ya nga tatiwa. A ndzi—ndzi swiyimeli swilo sweswo na sweswi, ku swi nuhwheta. Nakona a ndzi ta ta eka yena, ndzi ti khomelerile nhompfu. A ndzi ta ku, "Manana, u nga swi endli, u nga swi endli, u nga swi endli. Ntsena a ndzi nga ta swi yimela."

<sup>194</sup> U ndzi nyike rito ra kahle. A ku, "Jaha, loko ya nga ku hlambisi timbilu, swi ri a ya ku endlele swa kahle."

<sup>195</sup> Sweswo swa fana na ku chumayela, Rito leri. Loko Ri nga ku hlambisi timbilu, kahle, swivila leswaku ri ta endla xangulele wa ximoya wu tirha, swi ngaka swi nga ku pfuni ha nchumu. Hi swona sweswo. Rito ra mi ntshuxa, ku mi ntshuxa hakunene, ri tsema ri chucha mahlanganisi ya nketani. Ma swi pfumela xana? [Nhlengeletano yi ku, "Amen."—Muhler.]

<sup>196</sup> Kereke yi lava mpfuxelelo wa Moya lowo Kwetsima. Yi lava ku basisiwa ka yindlu. Lawa i magama. Mi nga ya phameli swakudya swa tihuku. Hi wona magama. Mahumeseni ya va lahaya laha ya nga ta haha kumbe ya fa. Hi swona sweswo. Nakona Xikwembu xi ta hlalela xi ri eka pfindla wa Xona. A Xi le kule ngopfu. Mi nkarhi hinkwayo xi kusuhi, ku ta mi tlakusa. Ma swi pfumela sweswo xana? [Nhlengeletano yi ku, "Amen."—Muhler.]

A hi korhamiseni tinhloko ta hina leswaku hi va na rito ra xikhongelo.

<sup>197</sup> I vangani va tsakelaka ku tsundzikiwa sweswi? Nakona va ku, "Hosi, va na na tintswalo eka mina. Ndzi nyike mianakanyo ya gama. Ndzi nyike ku tsakela ka gama. Ndzi nyike vutomi bya gama. Ndzi pfumeleli ndzi hahela halahaya eka wasi bya Wena, Hosi, laha swilo hinkwaswo swi olovaka eka vona lava va pfumelaka. Endla ripfumelo endzeni ka mina. Pfumelela timpapa ta mina tikula. Pfumelela tinhlampfani ta mina, ku rhendzeleka hi timpapa ta mina, ti kula ku fikela laha hakunene ndzi vonaka Yesu." Oho, Xikwembu a xi mi katekisi.

<sup>198</sup> Tatana wa le matilweni, oho, Hungu ri—ri nga hava ri nga twakali kahle, Hosi, kambe a swi ngari hi ndlela yona yaleyo. A ro va ntsena rintsongo, yo va ndlela yi ri yoxe yo endla leswaku

vanhu va switiva, Hosi, yini, leswaku ndza pfumela, leswaku U le ku ringeten i ka kuva fikelela, ku ta ninginisa kereke. Eka nkundla lowu wa kahle wa Wena, kereke leyi ya kahle ya Pentekostal, kereke ya kahle, tani hilaha yi nga xiswona; U ninginisile minxaka hinkwayo ya tinyiko eka vona, minxaka hinkwayo ya masingita na swihlamariso, nakona va tshamile endzhaku, ku kotisa tihuku, minkarhi yin'wana. O Xikwembu, va pfumeleli leswaku va swi vona leswaku i magama. Va nga ha haha, ntsena va teka ripfumelo ra vona va hahela ekule na rona, va fambela ekule na kuvulavula loku ka khale, "Swi ngaka swi nga humeleti. A swova na nchumu." O Xikwembu, ndza khongela leswaku U ta katekisa un'wana na un'wana lahwani eka ndzhengha lowu, nakona ingaku un'wana na un'wana wa vona a nga ha kokiwa a tshunelela ehansi ka timpapa ta Yehovha. Hi nyike swona, Tatana. Ndzi va tisa eka Wena, hi Vito ra Yesu, N'wana wa Wena. Amen.

<sup>199</sup> Swi le ka Hosi Xikwembu, leswi Xi swi endlaka. Sweswi hi taya hi yava na layini ya xikhongelo, leswaku hi ta kota ku huma lahwani. Ndzi mi lava leswaku mi ya ekerekeni, vusiku bya namuntiha. Xikwembu a xi mi katekisi. Ma yi rhandza Hosi xana? [Nhlengeletano yi ku, "Amen."—Muhleri.] Amen.

<sup>200</sup> A hi yimbeleleni nakambe, leswakuta ndzi nga ha wu twa a Tulsa, ntlawa lowu wa kahle lowukulu.

Ndza N'wi rhandza, ndza N'wi rhandza  
Hikuva U sungule a ndzi rhandza,  
A xava ku ponisiwa ka mina  
Ensinyeni wa Xihambano.

<sup>201</sup> Hi swona. "Ndzi . . ." A hi ri endleni leswaku ri rhinga sweswi, eka Yena. Hungu ri herile. Ntsena a hi N'wi dzuniseni.

Ndza N'wi rhandza,  
Hikuva U sungule a ndzi rhandza  
A xava ku ponisiwa ka mina  
Ensinyeni wa Xihambano.

<sup>202</sup> Sweswi a hi endleni muxaka wo korhamisa tinhloko ta hina, kutani hi yimisa mavoko ya hina, loko ntshungu wa ha miyela sweswi.

Ndza N'wi rhandza, ndza N'wi rhandza  
Tshunela ekusuhi, Hosi.  
Hikuva U sungule a ndzi rhandza  
A xava ku ponisiwa ka mina  
Ensinyeni wa Xihambano.

[Makwerhu Branham a sungula ku hama *Ndza N'wi Rhandza*—Muhleri.]

<sup>203</sup> Hi yihi yaleyo, i dzana kumbe makume ntlhanu? Makume ntlhanu? Wena u nga na khadi ra xikhongelo ra nambara ya n'we, yimisa voko ra wena. Yima hi milenge loko u nga swikota. Khadi

ra xikhongelo ra nambara ya n'we, H. H, nambara ya n'we, yimisa voko ra wena. Khadi ra xikhongelo ra nambara ya n'we, tlakuka u yima. Hi wena . . . Hi wena munhu wa kona, manana? H, nambara ya n'we, tana haleno. H, nambara ya vumbirhi?

<sup>204</sup> [Xivati lexi nga riki na nchumu eka thepi—Muhleri.] “. . . nyimpfu leyi yi nga lahleka ya Israel.” A hi swona xana? [Nhlengeletano yi ku, “Amen.”]

<sup>205</sup> Sweswi, xana i tinyimba tingani ta vanhu lava va nga kona emisaveni? I tinyimba tinharhu: Kam, Sem, na vanhu va Yafet. Sweswi, valava i Muyuda, Wamatiko, na Musamariya, loyi a nga Muyuda wa hafu na Wamatiko. Mi kale mi swi lemuka xana?

<sup>206</sup> I vangani lava va switivaka leswaku Yesu u nyike Petro swikhiya e Pentekosta, ekusunguleni? Hi swona sweswo. U pfurile, hi swikhiya swa Mfumo, a Jerusalem, eka Vayuda. A hi swona xana?

<sup>207</sup> Filipi u rhelerile a ya va khuvula, kona eSamaria. Kambe Moya lowo Kwetsima a wu nga se ta ehenhla ka vona, hikuva, Petro hi yena loyi a ri na swikhiya; u rhelerile a ya va tlhandleka mavoko, hiloko va amukela Moya lowo Kwetsima, vona Masamariya. A hi swona xana? [Nhlengeletano yi ku, “Amen.”—Muhleri.]

<sup>208</sup> Ku ya fika endlwini ya Korneliya, laha a nga vitaniwa kona? Petro.

<sup>209</sup> Kusukela kwalaho, ka hari hava swin'wana leswi swi nga vuriwa ha swona. Ina. Tinxaka hinkwato a ti ri na . . . Tinyimba hinkwato se a tipfuleriwile Evhangeli: Kam, Sem, na vanhu va Yafet.

<sup>210</sup> Sweswi, loko mi nga lemuka, ndzi mi lava mi langutisa. Sweswi, kuna tinxaka timbirhi ta vanhu, tinyimba timbirhi, leti a ti langutele Mesiya. Xana hi tihi? Nakona a ti ri tihi? A kuri Mayuda na Masamariya. Kambe, Vamatiko, hina, a hi ri va Anglo-Saxon. A hi beburile xigombo enhlaneni wa hina, ku phahliwa swifaniso. A hi nga langutelanga Mesiya.

<sup>211</sup> Sweswi, ntsena ndzi mi koka rinoko, loko ndzi nga swikota, ku fikela laha la—la layini ya xikhongelo yi lulamaka, leswaku hinkwavo va nga tilulamisela kuta elayinini ya vona.

<sup>212</sup> Sweswi, hina a hi nga langutelanga Mesiya, a hi kalanga hi amukela nchumu. Swingaleswi, kambe, sweswi, eka vona lava va nga N'wi langutela, U humelerile eka vona. Sweswi, i vangani lava va swi pfumelaka sweswo? [Nhlengeletano yi ku, “Amen.”—Muhleri.]

<sup>213</sup> Kunene, sweswi—sweswi, endzhaku kaloko va n'wi arile Mesiya wa vona, kwalaho, tsundzukani, U yile eka Mayuda. Xana i sayini yihi leyi Yena a nga yi kombisa? A tiva swihundla swa timbilu ta vona. Sweswi kereke ya Orthodox yi te yini ha Yena? “Hi Yena Beelzebub, mungoma.”

<sup>214</sup> Yesu u teri, “Ndza mi rivalela eka sweswo. Kambe siku rin’wana Moya lowo Kwetsima wu ta ta wuta endla swo fana, nakona, ku vulavula u lwisana na Wona, u ngaka u nga rivaleriwi eka misava leyi, hambi kuri eka misava leyi yi nga ta ta.” A hi swona xana? [Nhlengeletano yi ku, “Amen.”—Muhleri.]

<sup>215</sup> Sweswi langutani. U endlile singita lero emahlweni ka Vayuda; A ri endla eka Masamariya; kambe a nga ri endlanga eka Vamatiko. A wu nge pfuki u kume mhaka ya swona. Ee, nkulukumba. Kambe A nge se famba... Sweswi, U teri eka wansati... Sweswi langutani wansati loyi, yaloye wa ngwavavani, hi n’wi vitanisa xisweswo.

<sup>216</sup> A tiva swotala hi Xikwembu kutlula hafu ya swichumayeri leswi nga kona a United States. Hi swona sweswo. Va tlharihe ngopfu. Va—va va hava na ndhawu ya ntokoto wa leswi nga ehandle ka ntumbuluko. Votala va vona i Vakreste va kahle, vamakwerhu lava va nga ehandle ka ntumbuluko, kambe van’wana va vona hambi swi ri tano va hari tihuku.

<sup>217</sup> Kutani, u tile kwalaho. Kutani wansati yaloye lontsongo... U humile, a rhumela vadyondzisiwa va Yena ekule, a sala a tshamile lahwani. Hikuva, vanhu va Samariya a va langutele... I vangani lava va switivaka leswaku Masamariya a va n’wi languterile loyi, Mesiya? Ma swi pfumela sweswo xana? Kunene, mi nge ndzi mi tshahela, Mukwetsimi Yohana 4, sweswi. “Wansati u tile exihlobyen, wansati wa Samariya. Yena ku...”

<sup>218</sup> Sweswi, loko ndza hari eka yona, kusuka eka makume mune kufika eka makume ntlhanu, eka H. Mune wa makume ku fika eka ntlhanu wa makume, tekani tindhawu ta n’wina. Hi swona. H, makume mune ku fika eka makume ntlhanu, yalawa hi wona hinkwawo makhadi ya xikhongelo, a va teki tindhawu ta vona.

<sup>219</sup> Sweswi lemukani, loko A tava a sukile a ya xihlobyen, hi siku lero a ya tshama, nakona vadyondzisiwa a va yile edorobeni ku ya xava swo miyeta nyoka. Loko va ha fambile, wansati wo rhandzeka a ta a ri karhi a famba, a rhwale khuwanenhlokweni. Kutani u yisile rileke ehansi, leswaku a ka mati. Kutani a twa Un’wana loko a ku, “Ndzi keli ndzi nwa.” Hiloko a languta, a vona Muyuda.

<sup>220</sup> A nge se fika kambe a ri na makume nharhu, kambe Matsalwa ya teri A languteka a ri na ntlhanu wa makume. I vangani va switivaka sweswo? “U Munhu loyi a nga tluleki ntlhanu wa makume wa malembe hi vukhale, nakona u vula leswaku U vone Abraham?”

A ku, “Loko Abraham a nga siva kona, A NDZI RI KONA.” Hi swona sweswo.

Kutani va ku, “A wu hundzi makume ntlhanu wa malembe hi vukhale.”

<sup>221</sup> Kutani hi luya u kona, a tshameke lahaya exihlobyen. Lahaya kuri na Yesu, a tshamile eka swin'wana swo kotisa ndzhuti wa le ndzeni ka mati tani hi leswi. Hiloko A ku, "Ndzi keli ndzi nwa." A va ri na ku avana kwalaho, tani hilaha vatoloveleke kuva na kona ehansi eDzongeni, makhaladi na vo basa. A ku . . .

<sup>222</sup> "A swi tollovelekanga eka Wena, tani hi Muyuda, u ndzi kombela, eka wansati, wa Musamariya," a vula tano.

<sup>223</sup> A ku, "Wansati . . ." Yingisela sweswi, leswi ndzi ku byelaka swona. U ta swi hupa. "Wansati, loko a wu switiva leswaku i Mani loyi u vulavulaka na yena, loko a wu switiva, A wu ta Ndzi kombela mati. Nakona A ndzi ta ku nyika mamati lawa a wu nga ha ta ta lahwani u ta ka."

A ku, "Xihlovo xi entile. U hava lexi u nga kaka ha xona."

<sup>224</sup> Kutani ku vulavurisana kuya emahlweni. Xana Yena a endla yini? A tihlanganisa na moya wa yena. Sweswo swa fana na leswi ndzi swi endlaka sweswi eka n'wina, ku ringeta ku mi koka rinoko.

A ku, "Ndzi keli ndzi nwa."

<sup>225</sup> Ku vulavurisana ku ye emahlweni ku fikela laha A kumaka laha ku nga na khombo ra wansati. I vangani lava va switivaka leswaku akuri yini? A hanya evuoswini. Swingaleswi hiloko Yena a ku, "Wansati, famba u ya teka nuna wa wena mi ta swin'we lahwani."

U teri, "Ndzi hava na nuna."

<sup>226</sup> A ku, "Hi swona sweswo. U vile na ntlhanu wa vona, na loyi u hanya na yena a hi nuna wa wena."

<sup>227</sup> Sweswi, xana wansati loyi . . . ehansi ka xiyimo xa yena, a va tani hilaha hi ehleketa hakona. Yena, ngwavavani, wansati wo duma hi ku vabya, yingisani hilaha a ya tivisaka xiswona Matsalwa. A nga kalanga a N'wi vitana kukotisa hilaha swichumayeri swi swi endleke, "Beelzebub, xingomatanda, javulosi."

<sup>228</sup> Nakona un'wana na un'wana wa switiva leswaku ku hlahluva i swa javulosi. Swingaleswi mungoma swivula yini? I dyondzo leyi yi nga encenyetiwa.

<sup>229</sup> Javulosi a ngaka a nga tumbuluxi nchumu. Hi, loko ari mutumbuluxi, a tava a ti endlele misava. Kambe a nga ha encenyeta leswi Xikwembu xi nga swi tumbuluxa. Ma swi kuma sweswo xana? [Nhlengeletano yi ku, "Amen."—Muhleri.] Lahawani, lahawani, a swi twakali kahle, eka vayingiseri lava va nga hlanganana. Wanuna a nga ha vuta nsati wa yena a hanya na yena tani hi nsati, nakona mubedwa wu nga nyamisiwanga. Maendlelo man'we na wansati un'wana, u fambile, wa vona, i ku encenyeta nchumu lowu wu nga kahle. Ma swi twisia leswi ndzi swi vulaka xana? Sathana wa encenyeta.

<sup>230</sup> Mungoma i muvoni loyi a encenyetaka Xikwembu, a encenyeta eka rifuwo ra javulosi.

<sup>231</sup> Nakona, lemukani, a nga kalanga a N'wi vitana swona sweswo. U teri, "Nkulukumba, ndza switwisisa leswaku Wena u Muprofeta." I vangani lava va switivaka leswaku u vule sweswo? [Nhlengeletano yi ku, "Amen."—Muherli.] Ku hambana hinkwako kusuka eka leswi swi nga vula hi swichumayeri swa vona. Aku, "Ndza swi twisia—twisia leswaku U Muprofeta."

<sup>232</sup> Sweswi langutani. Yingiselani. "Ha swi tiva. Hina Masamariya, hi dyondzisiwile. Ha swi tiva, loko Mesiya a ta, U ta endla swilo leswi." Xana a yi ngari yona sayini yaleyo ya Mesiya? [Nhlengeletano yi ku, "Amen."—Muherli.] A kuri yona? ["Amen."] "Ha swi tiva, leswaku loko Mesiya a ta, U ta endla swilo leswi. Kambe Wena U mani?"

Yesu u teri, "Ndzi Yena loyi ndzi vulavulaka na wena."

<sup>233</sup> U tsutsumele emutini, a ya byela vavanuna leswaku, "Tanani, mi ta vona Munhu Loyi a nga ndzi byela swilo leswi ndzi nga swi endla. Xana a hi yena Mesiya xana?"

<sup>234</sup> Kambe A nga swi endlelanga Vamatiko. Kumbe U swi tshembhisile eka Vamatiko? Hikokwalaho ka yini, a hi ri na magidi ya mbirhi ya malembe yo leteriwa, ntsena ku kotisa Mayuda na Masamariya lawa a va ri na wona, yo leteriwa, va ri karhi va langutela Mesiya.

<sup>235</sup> Sweswi, Yesu u teri, "Tani hilaha a swi ri hakona emasikwini ya Lot, a Sodoma, swingaleswi swi tava tano eku Vuyeni ka N'wana wa munhu."

<sup>236</sup> Sweswi langutani. Emasikwini ya Sodoma, va vile na mpfuxelelo na tintlharhi, na Lot. Billy Graham wa ximanguva lawa loyi a nga rhelela ehansi lahaya a ya chumayela Evhangeli, a va pfala mahlo. Kambe langutani leswi . . .

<sup>237</sup> Abraham a ri Kereke, leyи nga hlawuriwa, ya pentekostal, leyи nga vitaniwa, yi tiaveke eka swilo swa misava.

<sup>238</sup> Sweswi, ku na mapentekostal eka kereke ya Methodist. Ku na mapentekostal ekerekeni ya Baptist. Mapentekostal a hi ma dinominexini. I ntokoto lowu wun'wana na un'wana a ngavaka na wona, lava va wu lavaka. Pentekostal ya dinominexini a yi na lexi yi nga xi endlaka eka Minkateko ya pentekostal, loko hi leswaku Khatholiki yi nga hava na yona. Mi va pentekostal hikuva mi ri na Minkateko ya pentekostal embilwini ya n'wina.

<sup>239</sup> Swingaleswi, Abraham a ri loyi a nga vitaniwa, nakona Ntsumi leyи a yi tshamile ehenhla lahaya na Abraham. Nakona endzhaku kaloko Ntsumi yi sukile . . . U N'wi vitanile, "Hosi." Elohim. I vangani lava va switivaka leswaku Elohim a ri Yehovha Xikwembu wa kahle? Hakunene. Hosi Xikwembu, nakona Yi tshamile Yi fularhele tende. Langutani leswi Yi nga swivula eka

Abraham. Sweswi, hi Yona muluveri, a yi nga se tshama yi va kona. Yi ku, "Abraham, u kwihi nsati wa wena, Sarah?"

<sup>240</sup> Xana a Yi swi tivisa ku yini leswaku a ri na nsati? Nakona a Yi switivisa ku yini leswaku vito ra yena i Sarah? Sweswi, Bibele yi teri Abraham u Yi byerile leswaku u le tendeni, endzhaku ka Yena; etendeni, endzhaku ka Yena.

<sup>241</sup> U teri, "Abraham, Ndzi ta ku endzela ku ya hi minkarhi ya vutomi, hilaha Ndzi nga ku tshembhisa n'wana loyi. Ndzi ta ku nyika yena." Nakona Sarah, a nga rhasi, kambe a hlekela endzeni.

<sup>242</sup> Nakona Ntsumi, na nhlana wa Yona lowu wu nga fularhela tende, yi ku, "Hikokwalaho ka yini Sarah a hlekla?" Ma swi vona sweswo? Yesu u teri swi ta teka ndhawu exikarhi ka Vamatiko, loko ntsena nkarhi wa makumu wu nga se fika, Mesiya u ta wela ehansi hi xivumbeko xa Moya lowo Kwetsima.

<sup>243</sup> Hi xihi xo sungula lexi Mesiya a nga sungula a xi endla loko Yena a khuvuriwa a Yordan, na Moya lowo Kwetsima, xana U endlile yini? U sungurile ku hanyisa vavabyi.

<sup>244</sup> Xana sayini ya Yena yo hetelela akuri yini, nakona sayini ya Yena loko A nge se hambana na vona? Sayini yaleyo yi nga kwalahaya.

<sup>245</sup> Xana mpfuxelelo wa pentekostal wu tise yini? Ku hanyisa vavabyi, mahlori na masingita.

<sup>246</sup> Xana hi xihi xo hetelela? Lahawani xi kona. I vangani lava va nga kwahalano va vabyaka va pfumalaka khadi ra xikhongelo? Yimisani mavoko ya n'wina. Vanani na ripfumelo mi tlhela mi pfumela. Un'wana a ku, "Rona ke, Makwerhu Branham?" Walowo i Moya wa Xikwembu, Yena Yaloye a endlaka xitsembhiso, a ngaka a nga hluleki na xitsembhiso. N'wina lava mi pfumalaka makhadi ya xikhongelo, ndza mi fularhela hi nhlana wa mina. N'wina mi khongela. Nakona loko Xikwembu xi ri Xikwembu, loko nhlamulo ya Xona yi ri ntiyiso, nakona ndzi mi byerile Ntiyiso eka mavhiki lawa hinkwawo, wa leswaku leyi i sayini ya ku tshuneleta ku vuya ka Yena.

<sup>247</sup> Nhluvuko wun'wana na wun'wana, miehleketo leyinene ya switiva leswaku hi le makun'wini ya swin'wana. Nhluvuko a wu nge he yimi nkarhi wo leha. Ntsena wu le ku tatayiseni na ku ninginika. Xana wu rindzele yini? Ndlela ya—ya wona leswaku wu hundza. "Tani hilaha a swi ri emasikwini ya Nowa," ku tiyisela. Wu engetele nkarhi, hikokwalaho ka Vahlawuriwa. Wa hundza, kambe Xikwembu xi rindzerile ku kuma Kereke ya Xona eka ndlela leyinene. Xi rindzerile n'wina na mina.

Ingaku Xi nga hi nyika minkateko. Khongelani.

<sup>248</sup> Loko wansati a tava a khumbhile emakumu ka nguvu ya Yena. Van'wana va n'wina vavasati mi nga kwalahao sweswi, swi pfumeleleni leswi swi va tani hi xitorhi xa Bibele. Van'wana

va n'wina vavasati n'wina mi pfumelaka sweswi, na ku pfumela leswaku mi na ripfumelo leri ri eneleke ra ku pfumela Xikwembu, pfumelani leswaku hinkwaswo leswi swi nga vula hi Xikwembu swi ntiyiso. Nakona lahaya ku vile na wansati loyi a nga khumba emakun'wini ya nguvu ya Yena. Nakona loko a tava a khumbhile nguvu ya Yena, U hundzulukile, a ku, “I mani loyi a nga Ndzi khumbha? I mani loyi a nga Ndzi khumha?”

<sup>249</sup> Nakona hinwavo va swi arile. Va ku, “Kunene, un'wana na un'wana u le ku Ku khumbheni.” Petro u N'wi tshinyile, a ku, “Un'wana na un'wana u le ku Ku khumbheni. Hikokwalaho ka yini U vula sweswo xana?”

<sup>250</sup> A ku, “Kambe Ndzi twisisa leswaku Ndza tsana.” Walowo i hundzuluxo wa kahle. “Vunene byi sukile eka Mina.” Nakona *vunene* i “ntamu.” I vangani lava va switivaka sweswo xana? [Nhlengeletano yi ku, “Amen.”—Muhleri.] “Vunene byi sukile eka Mina.”

<sup>251</sup> Hiloko A halahala, eka ntshungu, ku fikela laha Yena a kumaka wansati lontsongo. Nakona U n'wi byerile leswaku mhaka ya ngati ya yena yi yimile, hikuva ripfumelo ra yena ri n'wi hanyisile. A hi swona xana? [Nhlengeletano yi ku, “Amen.”—Muhleri.]

<sup>252</sup> Bibele yi teri, leswaku, “Sweswi hi Yena Muprista Lonkulu loyi a nga khumbhiwaka hi switwi swa vulema bya hina.” N'wina, ma ha ku taka—taka, ma swi pfumela sweswo xana? [Nhlengeletano yi ku, “Amen.”—Muhleri.]

<sup>253</sup> Sweswi, tsundzukani, ku hanyisiwa! Loko hi leswaku A yime lahawani a ambale suti leyi, leyi A nga ndzi nyika yona, A nga ta mi hanyisa n'wina. Loko mi nga ta lahawani eka platifomo, “Hosi, xana U nga ndzi hanyisa xana?” ma swi tiva leswaku A ta ku yini eka n'wina? “Khale Ndzi swi endlile sweswo. Ndzi vavisiwile hikwalaho ka *ku* homboloka ka n'wina. Hi timbangta Mina *mi* hanyisiwile.” Ku ponisiwa na ku hanyisiwa i swi tshoveriwa leswi nga hetiwa. Kova ripfumelo ra n'wina ku swi amukela.

<sup>254</sup> Sweswi, U ta endla swin'wana ku khorwisa leswaku A ri Mesiya. Sweswi, swilo leswi a swi khorwisi leswaku ndzi Mesiya. Ndzi mudyohi loyi a nga ponisiwa hi tintswalo. Nakona swi ngari na mhaka ni leswaku Xikwembu xi ta ndzi tota ku fika kwihi, Xi ta fanela ku mi tota, na n'wina. A wu nge tirhi na mina ntsena. Wu teka na n'wina, leswaku wu tirha. Swi ngari na mhaka leswaku Moya lowo Kwetsima wu va kangani eka mina, Wu ta fanela kuva na le ka n'wina, nakambe. Kambe loko “A ri Muprista Lonkulu loyi a nga khumbhiwaka hi vulema bya hina,” nakona Bibele yi teri, “Hi Yena wa tolo, namuntlha, ni hilaha ku nga heriki,” nakona U tava na maendlelo man’we. U kona lahawani, endzeni ka hina. Ma swi pfumela xana? [Nhlengeletano yi ku, “Amen.”—Muhleri.]

Sweswi, un'wana na un'wana, hlayisa xitulu xa wena, tshembheka, khongela.

<sup>255</sup> Nakona ingaku Hosi Xikwembu xi nga hi nyika sweswo. Ntsena, Hosi, ndza kombela. Vanhu lava vo rhandzeka... Ndzi... Hosi, Wa xitiva xikongomelo xa mina xa kuva ndzi ri lahwani. Nakona ndza khongela leswaku U tava pfumeleli ku vona, loko va nga ha voni, va pfumeleli va tiva leswaku ku Vuya ka Hosi ku fikile. Va pfumeleli va tiva leswaku Mahungu lawa ya tihanyi, ma ti kombisaka xiswona, ya va hakasaka, kungari na kuva na maendlelo yo tlhariha, kungari ya... hi vumina. Kambe hikokwalaho ka kuva Wena u ma totile, na kuva tano. Swi khorwisi, Hosi. Ndzi Ku vulavulerile. Vulavula na mina, Hosi, leswaku marito ya mina ya ntiyiso, hikuva ya huma eka Wena. Ndza swikombela hi Vito ra Yesu. Amen.

Amukelani ku vitaniwa ka n'wina. Mi nga ri hupi siku ra n'wina.

<sup>256</sup> I vangani eka lava va nga lahwani elayinini ya xikhongelo hi nga tivaneki? Yimisani mavoko ya n'wina, n'wina hinkwerhu lava mi nga valuveri. Hinkwerhu n'wina lava mi humaka ehandle lahaya, valuveri, yimisani mavoko ya n'wina.

<sup>257</sup> A ndzi tivi munhu handle ka Gene Goad loyi a nga tshama lahwani, Pat Tyler lahwani. Valava hi van'wana lava ndzi va vonaka. Jaha ra mina ri yime endzhaku lahaya, o va yexe loyi ndzi n'wi tivaka.

<sup>258</sup> Wansati yaloye loyi a nga tshama lahaya a tipfinyingaka mahlo, a nga ambala xidloko xo tshuka, a nga tshama lahaya. Wa pfumela leswaku Yesu u ku twile loko u tava u N'wi komberile leswaku a ku hanyisa eka ku pandza ka nhloko ya tisayinas? Wa pfumela leswaku U ku twile xana? A wu ri eku yi khongeleleni, a hi wena xana? Loko swi ri ntiyiso sweswo, yima hi milenge ya wena. Loko walowo wu ri Ntiyiso, tlakusa voko ra wena. Loko ndzi nga ku tivi, nakona u nga ndzi tivi, tlakusa na lerin'wana voko, havumbirhi bya mavoko. [Sesi a ku, "Ndzi tshame ndzi ku vona."—Muhler.] Mhani? ["Ndzi vile eka mimpfuxelelo, ekusunguleni."] U vile kona eka mimpfuxelelo ya mina, emasunguleni. Kambe, ndzi vula leswaku, a ndzi ku tivi. ["Ee."] Ee. Hi swona. Hi swona. Sweswi swi hundzile. U nga ha tiyela ekaya u hanyile.

<sup>259</sup> Ndzi lava ku mi vutisa swin'wana n'wina vanhu. Xana wansati yaloye u khumbhe yini xana? Hi leri voko ra mina, a ndza ha tsundzuki hi... U tshame a va eka tihlengeletano. Sweswi mi nga ha ku, "Loyi yena a nga ehenhla lahaya eka balkoni yena ke, ehansi *lahawani*, kumbe eka nhlengeletano nkarhi wun'wana na kun'wana?" A ndzi ku tivi leswaku hi wena mani. Nchumu lowu ndzi wu tivaka, hi leswaku ntsena u...ntsena a wu ri kona lahwani enhlengaletanwini. Nakona hi luya lahaya. U khumbhile Swin'wana. Nakona i yini...

<sup>260</sup> Ndzi te, eka xinkadyana lexi xi nga hundza, Langavi lero ra Ndzilo. A mi Ri voni xana? I vangani lava va nga na xifaniso xa Rona sweswi? Va na xona kwala eka nhlengeletano. Sweswi, Ri langutekisa ku kota Langavi ra Ndzilo. A ri tano xana? Nakona sweswi, vutomi bya Rona, xana Ri tswala yini? Swo fanana. Hayi mina, sweswi. Rona, xana Ri tswala yini? Mintirho yin'we ni leyi Ri yi endleke loko Ra hari eka N'wana wa Xikwembu. Sweswi Ri le ka vana lava va nga adoptiwa va majaha na vanhwana va Xikwembu, hi tintswalo ta N'wana wa ntiyiso wa Xikwembu.

<sup>261</sup> Kona kwalaho, nkulukumba. U lava ku susa vuvabyi byebyo bya mbilu? Wa pfumela leswaku Xikwembu xi ta ku hanyisa, wena u nga tshama kwalaho? A wu ri ekulanguteleni, u hlamala, nakona hi xinkadyana matitwele man'wana lawa yo ka ya nga twisiseki ya thonathona eka wena. Hi swona sweswo. A ndzi ku tivi. Xana ndza ku tiva? A wu ndzi tivi nakona a ndzi ku tivi. Loko swi ri nttyiso sweswo, yimisa voko ra wena. Wa pfumela leswaku vuvabyi bya mbilu byi fambile xana? Famba-fambisa voko ra wena. Hi swona, kutani byi fambile. Wa vona?

Ma pfumela? [Nhlengeletano yi ku, "Amen." —Muhleri.]

<sup>262</sup> Hi loyi manana a nga tshama *lahawani*. Xana a mi yi voni Layiti leyi yi nga ehenhla ka wansati yaloye xana? U karhatiwa hi nyongwa. U ta lahlekeriwa hi yona. (Xikwembu, pfuna.) Miss Small, xana wa pfumela leswaku Xikwembu xi ta ku hanyisa eka nyongwa yaleyo yi ku karhataka xana? [Sesi a ku, "Amen." —Muhleri.] Kutani yima hi milenge ya wena. U na ripfumelo ro tala kutlula leri u ehleketaleswaku u na rona. A ndzi n'wi tivi wansati. Teto tova tintswalo ta Xikwembu. Loko hi ri valuveri, famba-fambisa voko ra wena ku kotisa *leswi*, manana. Kwalaho. A ndzi ku tivi. Kambe leswi A nga ku byela swona, loko swi ri Ntiyiso, (yimisa voko ra wena), eka leswi Yena a nga swi vula? Hi swona. Kutani va na na ripfumelo, nakona tifambeli ekaya u hanyile.

Loko u nga pfumela!

<sup>263</sup> Manana loyi a nga tshama lahawani, loyi a karhatiwaka hi khwiri, endzeni ka khwiri. Ina, Effie, hi loyi ndzi vulavulaka hi yena. Yima, Effie. Xana u karhatiwa hi rona? [Sesi a ku, "I nttyiso." —Muhleri.] A ndzi ku tivi. Loko walowo wuri nttyiso, yimisa mavoko ya wena. A ndzi se tshama ndzi ku vona evuton'wini bya mina. Xikwembu lexi nga Tilweni xa switiva sweswo. Yana ekaya. Swi herile. Xikwembu a xi ku katekisi.

<sup>264</sup> Loko u fela eswidyoohweni swa wena, swi tava swi ngari nandzu wa Xikwembu. U nga ha tshama u tshembhekile eka kereke, kambe mudyohi hi loyi a nga pfumeriki. Vana na ripfumelo eka Xikwembu. Hi swona.

<sup>265</sup> Sweswi, vanhu lava va nga lahawani, ley i layini ya xikhongelo, ku tlhandleka mavoko eka vavabyi. Xana mi ta swi pfumela xana, swi ngari na mhaka? Sweswi, valava i vanhu lava

va ngariki na makhadi ya xikhongelo, laha ku nga na layini ya ku vonisisa, leyi nga lahaya yi ngari na makhadi ya xikhongelo. Sweswi, vunyingi bya n'wina sungulani ku pfumela.

<sup>266</sup> Mi nga famba-fambi. Wa vona? Un'wana na un'wana wa n'wina i moyo. Wa vona? Un'wana na un'wana wa n'wina i moyo. Xana a mi switiva sweswo? A va tava va ngari tano, a mi tava mi file. Swingaleswi, i moyo wa n'wina lowu ndzi vulavulaka hi wona, kungari n'wina. I moyo wa n'wina.

<sup>267</sup> Tana haleno, manana. Wa ndzi pfumela leswaku ndzi nandza wa Xikwembu xana? [Sesi a ku, “Ina, nkulukumba.”—Muhleri.] Hi valuveri un'wana eka un'wana. [“Ina, nkulukumba.”] A hi tivani. Loko sweswo swi ri swona, swingaleswi vayingiseri, lava va nga ehenhla eka balkhoni, mi swi twisisaka, ntsena mo yimisa mavoko ya n'wina, loko hi ri valuveri, hi nga se tshama hi hlangana. Hi lowu ndzhuti wa le matini. Kuva hi ndlela yaleyo ya kuva wo sungula eka layini kuri wansati, hi leyi Mukwetsimi Yohana 4, wanuna na wansati, va hlangana, ro sungula evuton'wini. Loko lowu wuri Moya wa Kreste lahawani exikarhi ka hina, kutani U ta tirha mintirho ya Kreste.

<sup>268</sup> Ndza kombela mi nga famba-fambi. Sweswi, ntsena mo fuma ku—ku . . . Mi—mi vavisa van'wana. Wa vona? Ndzi na vulawuri bya un'wana na un'wana wa n'wina. Ndzi le ku ringetenka ka ku mi pfuna. Miyelani mi ku whi mi tlhela mi tshembheka. Hi swona.

<sup>269</sup> Loko Hosi Xikwembu xi nga ndzi byela swin'wana ha n'wina . . . Loko ndzi nga ta lahawani . . . Nkarhi wun'wana ma vabya. Swi nga ha endleka mi nga vabyi, kambe loko-loko mi ri tano, nakona ndzi ta lahawani ntsena ndzi fika ndzi tlhandleka mavoko ya mina ehenhla ka n'wina, ndzi ku, “U ta hanya, manana,” u nga ha swi pfumela sweswo. Hikuva, walowo—walowo i ntiyiso. Kambe loko Moya lowo Kwetsima wu yima lahawani nakona . . .

<sup>270</sup> A ku ta humelela yini—loko loyi a ri Hosi Yesu a ambaleke suti leyi, a yimeke lahawani, nakona a mi ta ku, “Ndzi hanyisi. Ndzi hanyisi, Hosi?” A ta ku, “Khale ndzi swi endlile.” Kambe U tava tano tani hilaha A swi endleke loko A hari kona endzhaku, tani hilaha Yena a swi endleleke wansati exihlobyen, ku mi pfumeleka switiva leswaku hi Yena mani. Xana U n'wi endlle a switiva njhani? Hi ku n'wi byela swin'wana leswi a swi ri eka vutomi bya yena. A hi swona xana, vayingiseri? [Nhlengeletano yi ku, “Amen.”—Muhleri.] Hinkwerhu n'wina lavantshwa ma ha ku taka? A ta vula swin'wana leswi a swi ri eka vutomi bya yena.

<sup>271</sup> Sweswi loko A nga vula swin'wana leswi swi nga eka vutomi bya n'wina, tani hilaha Yena a swi endleke eka Simon Petro, kumbe tani hilaha A swi endleleke un'wana a Bibeleni, hi ndlela leyi A nga swi endlisa xiswona, kutani sweswo swi nga ha ku nyika ripfumelo ro tala.

<sup>272</sup> Xana swi nga ha nyika un'wana na un'wana wa n'wina ripfumelo, ro pfumela xana? [Nhlengeletano yi ku, "Amen."—Muhleri.]

<sup>273</sup> Sweswi, lahawani hi leswi, kunene, ku ngari endzhaku ka makhethenisi man'wana ya ntima, ku ngari swin'wana swa ku vuyelela ka javulosi, kumbe kona kwala eka platifomo na n'wina, leswi swi humaka eka Marito ya Bibele. Swi nga ha khunguvanyisa nyana eka ntivo-vukhongeri, kambe i Matsalwa ya tifanelaka. Wa vona?

<sup>274</sup> Loko ndzi nga kota ku mi pfuna, nakona ndzi nga swi endli, ndzi tava ndzi ri wa vun'wa. Ndzi tava ndzi nga faneriwi hi ku yima lahawani etlhelo ka Bibele leyi, loko hi leswaku ndzi nga mi pfuna kambe ndzi nga swi endli. Ndzi ngaka ndzi nga mi pfuni. Nchumu wun'we ntsena lowu ndzi nga wu endlaka i ku mi endla mi lemuka swin'wana, leswaku Kreste u kona kwala ku ta mi hanyisa, a mi endla mi hola loko mi vabya.

<sup>275</sup> Ma vabya. U karhatiwa hi vuvabyi bya vamanana. U karhatiwa hi vuvabyi bya xisati. [Sesi a ku, "Ina."—Muhleri.] Hi swona sweswo. Loko sweswo swi ri ntiyiso, yimisa voko ra wena.

<sup>276</sup> Swingaleswi sweswo a wu ngevi... u ta switiva leswaku a ndzi le ku vhumbheni. Yima nyana. Vekela xin'wana embilwini ya wena, nakona ntsena u tikhongeleta, ambilwini ya wena, eka leswi u swilavaka leswaku Xikwembu xi swi endla. Ina. U na swin'wana embilwini ya wena sweswi? I nuna wa wena. [Sesi a ku, "Amen."—Muhleri.] I nuna wa wena. Wa pfumela leswaku Xikwembu xi nga ha ndzi byela hi leswi swi nga hoxeka ha yena? ["Ina, nkulukumba."] Hi swin'wana swi nga hoxeka ebyongweni. ["Ina, nkulukumba."] Swi vitaniwa, tani hi ku tsindziyela ka minsiba a byongweni. ["Ina, nkulukumba."] Walowo i ntayiso. ["Sweswo hi leswi swi nga xiswona."] Hi swona sweswo. Loko Xikwembu xi nga ndzi byela leswaku hi wena mani, xana swi nga ku endla u va na ripfumelo ro tala xana? Wa swi pfumela, hi mbilu ya wena hinkwayo? ["Ina, nkulukumba."] Nancy Gillespie, famba u ya ekaya, Yesu Kreste u ku hanyisile na nuna wa wena, a tlhela a mi endla mi va kahle. ["Oho, Haleluya!"] Teka xidukwana xexo u xi yisa eka yena. I ntayiso walowo. A hi wona xana? ["Ina."] Hi swona. Ti fambeli.

<sup>277</sup> Sweswi ma xi pfumela Xikwembu xana? [Nhlengeletano yi ku, "Amen."—Muhleri.] Ntsena vanani na ripfumelo. Mi nga kanakani.

<sup>278</sup> Sweswi ndzi ya eku kombeleni ka kereke leyi ya kahle loko mi nga swikota ku khongela na mina eka vanhu lava. Laha un'wana a nga mhani wa un'wana, papa wa un'wana, murhandziwa wa un'wana, nuna wa un'wana. Khongelani.

<sup>279</sup> Mi nga famba-fambi, na kombela. Ntsena mo... Ntsena mi le ku fumeni ka nhlengeletano. Tshamisekani mi khongela. Hi ta

hangalaka hi khume ra timinetse loko ntsena mi nga tshamela—ntsena mi nga tshamela ku tshembheka.

<sup>280</sup> Tana, manana. Loko ndzi nga vuli na rito na rin'we, nakona ntsena ndzi ku khongeleta, u ta swi pfumela xana?

Hosi Yesu, ndza khongela leswaku Wena u ta n'wi hanyisa, hi Vito ra Yesu.

Tana, makwerhu wa mina. Pfumela hi mbilu hinkwayo ya wena.

<sup>281</sup> Tatana wa hina wa le Matilweni, hi Vito ra Yesu Kreste n'wi hanyise. Amen.

<sup>282</sup> Xikwembu a xi ku katekisi, makwerhu wa mina. [Makwerhu a ku, “Nsati wa mina u kona kwala, u na swin’wana . . . ? . . .” — Muhleri.] Hi swona, nkulukumba, tana. Sweswo a swi kali swi endla ku hambana na swintsongo, nkulukumba. Ee. Swi lulamile. Ndzi tiva leswi swi nga hoxeka hi wena, kambe a swilavi ndzi kala ndzi ku byela. U ehleketa leswaku, swi nga ku pfuna loko ndzi nga ku byela xana? [“Ee.”] Swingaka swi nga ku pfuni. Hi swona. Kambe, hi ndlela yin’wana, vuvabyi bya wena bya mbilu byi sukile loko wa ha ku suka lahaya. Swingaleswi ntsena wo tifambela, u ti tsakerile, u ri karhi u ku, “Ndza Ku khensa, Tatana.”

Tana, nkulukumba.

<sup>283</sup> Hi Vito ra Hosi Yesu, Tatana, ndza khongela leswaku U ta n'wi hanyisa. Amen.

Pfumela sweswi.

<sup>284</sup> Vana na ripfumelo sweswi, sesi. Tana, ku kotisa hinkwaswo leswi . . . Languta, kuna kwalomu ka magidi manharhu ya vanhulava va nga lahwani va ku khongelalaka sweswi.

Hi Vito ra Yesu, leswaku wansati a nga ha hanyisiwa. Hi nyike swona, Tatana.

<sup>285</sup> Tana. Nkulukumba, arthritis yi ta ku kuma, siku rin’wana, loko u ngari na rona ripfumelo sweswi. Wa swi pfumela sweswi? Kutani famba u hanyisiwile, hi Vito ra Yesu Kreste.

Tana, sesi.

<sup>286</sup> Tatana Xikwembu, eVitweni ra Hosi Yesu, hanyisa sesi wa hina. Amen.

Tana, u ri karhi u pfumela sweswi.

Un’wana na un’wana pfumelani mi khongela.

<sup>287</sup> Tatana wa le Matilweni, ndza khongela leswaku U n'wi hanyisa, hi Vito ra Yesu. Amen.

<sup>288</sup> Tana. Sweswi, makwerhu, loko hi leswaku hi vile na swivona swa un’wana na un’wana, ntsena swi nga ha . . . wena . . . A va fanele hi ku ndzi rhwala va ndzi susa eka platifomo; wa vona, a ndzi ta ya ehansi. Kambe sweswo u nga ha switiva, yana

emahlweni u ya dya swakudya swa wena swa ni madyambu vusiku lebyi. Swi ta thesta kahle. Ku karhatiwa hi khwiri ku sukile. Wa swi vona? Famba u ya dya. Hi swona.

Tana, sesi.

<sup>289</sup> Ndzi swi endla hi xikongomelo sweswo, kuva ndzi ticukumeta, vanghana. Hikuva, swivono... I vangani lava va switivaka leswaku Yesu u teri, “Vunene byi sukile eka Mina”? [Nhlengeletano yi ku, “Amen.”—Muhleri.] Ndzi, kona sweswi, ntsena ndzi titwa, ndzi nga tiyanga.

<sup>290</sup> O Tatana, ndza khongela leswaku U hanyisa sesi wa hina. Hi Vito ra Yesu, hi nyike swona.

<sup>291</sup> Tana, sesi wo rhandzeka. U nga kanakani sweswi. Tana, u pfumela hi mbilu ya wena hinkwayo.

<sup>292</sup> O Hosi, hi Vito ra Kreste, hanyisa sesi wa hina. N’wi nyike ku hlula, Hosi.

<sup>293</sup> Tana, sesi wa mina. Bibebe yi teri, “Masingita lawa ya ta landzela vona lava va pfumelaka.”

Hi Vito ra Yesu, leswaku a nga ha hanyisiwa. Amen. Hi nyike swona.

<sup>294</sup> Tana, sesi. Ku karhatiwa ka wena hi nhlana ku sukile, swingaleswi u nga ha tifambela endleleni ya wena, u tsakile.

<sup>295</sup> Ma pfumela xana? [Nhlengeletano yi ku, “Amen.”—Muhleri.] Wa vona? Hikokwalaho ka yini, hikokwalaho ka yini? Yingisani. Ndzi lava ku mi vutisa. Yingisani, vanghana. Loko vanhu va vona va ta hi lahawani... Bibebe, Yi ri, “Va tlhandekile mavoko eka lava va vabyaka, nakona va ta hola,” swi tele tani hiloko hi ri karhi hi va byela. A mi swi pfumeli Sweswo xana? [“Amen.”] Hakunene, ma pfumela.

<sup>296</sup> Languta lahawani, nkulukumba. Wa ndzi pfumela kuva nandza wa Xona ke? Sweswi, kuna wansati loyi ndzi nga n’wi yimisa ku ngari khale ngopfu; wena u wanuna. Wa pfumela leswaku Xikwembu xi nga ndzi byela leswi swi ku karhataka? [Makwerhu a ku, “Ina, nkulukumba.”—Muhleri.] Na—na kuku hanyisa? [“Ndzi na swo ringana mune kumbe ntlhanu wa swona swo hambanana lahawani leswi swi nga hoxeka.”] Ina, nkulukumba. Kunene, wena, ku karhatiwa hi khwiri hi xin’wana xi ku nyangatsaka, nyana. Hi swona. Ina, nkulukumba. Ina, nkulukumba. Kutani i tigland ta vununa bya wena. [“Hi swona.”] Ina, nkulukumba. Hikuva, vununa bya wena byi ku endla u rhurhumela, nakona sweswo hi swona swi ku kwatisaka. Sweswo hi swona hakunene. U ehleketa leswaku nsati wa wena a nga hola, na yena, loko u nga pfumela? Hi swona. Loko u nga pfumela hi mbilu ya wena hinkwayo, kutani nsati wa wena a nga ha hanyisiwa. [“Wa vabya.”] Ina. Wa chava, na ku khunguvanyeka, na ku tsana, na swin’wana. Wa pfumela hi mbilu ya wena hinkwayo sweswi, u ta horisiwa? Ti fambeli endleleni ya wena

i ku, “Ndza Ku khensa, Hosi Yesu la rhandzekaka,” nakona u ta hanya, na yena.

<sup>297</sup> Hosi Yesu, ndza khongela leswaku U ta pfuna eka loyi, O Hosi, nakona n’wi endli leswaku yena... Ku kwetsima ka Xikwembu ku ta xikela ehenhleni ka yena, nakona u ta hanyisiwa. EVitweni ra Yesu Kreste. Amen.

<sup>298</sup> [Makwerhu a sungula ku vulavula hi ririmini rin’wana—Muhleri.] Sweswi famba, u ri karhi u pfumela, Nkul. Dodd, na ku pfumela hi mbilu ya wena hinkwayo, u hanya. Hi swona.

Tana, nkulukumba.

<sup>299</sup> Tatana wa le Matilweni, ndza khongela leswaku U ta hanyisa makwerhu wa hina u n’wi endla a hola, hi Vito ra Yesu.

Tana, sesi, lahawani. N’wi pfumeli hi mbilu ya wena hinkwayo sweswi.

<sup>300</sup> O Xikwembu, Tatana wa hina, ndza khongela leswaku U ta n’wi hanyisa, hi Vito ra Yesu.

<sup>301</sup> Tana, makwerhu, tisa xin’wanyana. U nga kanakani sweswi. Ntsena tana na yena, ku kotisa loko u ta ehansi ka xihambano.

Hosi, ndza va katekisa hi Vito ra Yesu. Amen.

Tana, sesi. Tana, u ri karhi u pfumela hi mbilu ya wena hinkwayo.

Tatana, hi Vito ra Yesu, ndza khongela leswaku U ta n’wi hanyisa. Amen.

<sup>302</sup> Pfumela sweswi u tlhela u tshembheka hakunene. Pfumela hi mbilu ya wena hinkwayo.

<sup>303</sup> Hi Vito ra Hosi Yesu, leswaku a nga ha horisiwa, Hosi. Amen.

<sup>304</sup> Tana, sesi, u ri karhi u pfumela hi mbilu ya wena hinkwayo. U ri karhi u pfumela leswaku u ta hola sweswi a tlhela a vona na hinkwaswo.

<sup>305</sup> O Hosi, ndza khongela leswaku U ta n’wi hanyisa, eVitweni ra Yesu Kreste. Amen.

<sup>306</sup> Vusiku byin’wana, ndzi ri karhi ndzi khongelela xijahetani, xa kwalomu ka khume ntlhanu, khume ntsevu wa malembe hi vukhale. U hundzile hi kwala, nakulorhi lontsongo; wa ripfumelo ra kahle. Ndzi n’wi langutile. Ndzi ku, “Hikuva, wa swi tiva, jaha.” Kutani—kutani hiloko a huma a famba, a famba a ya lahaya. Nakona xijahetani lexi, xi tswariwile xi ri bofu, xi amukela ku vona ka xona, xi rila xi huwelela, “Oho, Makwerhu Branham, ndza vona.”

<sup>307</sup> Lahawani ku pavalarile, lahawani, xinari lexi humaka ka n’wana, wa nhloko leyi yi nga tatiwa hi mati. Mahunguteka swinene eka *yona*, hi vusiku byin’we, ntsena ku hundza hi kona. Swilo swa humelela. U boheka ku pfumela, hambi swi ri tano. Wa vona? A mi ti huku. Mi magama.

Tana.

<sup>308</sup> Hi Vito ra Yesu, Hosi, a nga ha hanyisiwa hikokwalaho ka ku kwetsima ka Xikwembu. Amen.

Tana, u ri karhi u pfumela, u va na ripfumelo.

<sup>309</sup> Ma swi tiva, swin'wana . . . Ma swi tiva leswaku ndzi ehleketa yini, vanghana? Mina, a ndzi tano, a ndzi holovelvi vanhu, kambe ndzi mi lava leswaku mi tiva xilo xin'we. Hi na tithelevhixini to tala evuton'wini bya hina. Hi lava ku nyanyuriwa. A hi lavi . . . Xikwembu a xi kombisi swilo leswi hi ku minyanyula. Xi mi lava leswaku mi lemuka Vukona bya Xona. Swilo swa vona swi nga ha humelela eka un'wana na un'wana, kambe swi nga ha tshunelela ku dlaya; oho, a ndzi nge he swi koti ku heta layini.

<sup>310</sup> Lahawani, tana lahawani, manana. Wena na mina hi valuveri eka un'wana. U ehleketa leswaku Xikwembu xi nga ndzi byela leswi ku karhataka xana? [Sesi a ku, "Aha."—Muhleri.] Xana—xana swi nga ku pfuna?

<sup>311</sup> Xana swi nga ku pfuna loko-loko Xikwembu xi nga vula swin'wana sweswi eka wansati loyi?

<sup>312</sup> I ndleve ya wena. Wa pfumela leswaku Xikwembu xi nga yi horisa? [Sesi a ku, "Kunene, ndzi khensa Xikwembu! Ina."—Muhleri.] Wa chava leswaku i mfukuzani. Nakona yi le ndleveni ya wena ya ximatsi. A hi swona xana. ["Hi swona sweswo."] Kunene, swi tano, kambe a hi ya sweswi. Sweswi, languta. Wa xi pfumela Xikwembu xana? ["Ndza xi pfumela."] Loko Xikwembu xi nga ndzi byela leswaku hi wena mani, xana swi ta ku pfuna xana? Hi swona, Ruby Thompson, tiyeli ekaya u hanyile hi Vito ra Yesu Kreste. Wa vona? Vana na ripfumelo.

<sup>313</sup> Tana sweswi. U nga kanakani. Xikwembu xi nga ndzi byela leswi swi ku karhataka. Xana u ehleketa leswaku swi nga ku pfuna? [Sesi a ku, "Ina."—Muhleri.] Kutani, chukele. ["Ina."] Vuvabiyi bya mbilu. Tifambele epatwini ra wena kutani u hanyisiwa, u tlhela u pfumela Xikwembu. [" . . . ? . . . "] Ina. [" . . . ? . . . "] Sweswo kova ntsena ku kula ku tako eka wena. Sweswi, ntsena famba, u ri karhi u pfumela.

<sup>314</sup> O Hosi, ndza khongela leswaku U ta hanyisa makwerhu wa hina u n'wi endla a hola. Amen. Xikwembu, hi nyike swona.

Tana, sesi wo rhandzeka.

Hi Vito ra Hosi Yesu, a nga ha horisiwa. Amen.

Ku kombela minkateko ya Xikwembu, swi nga tsandza njhani?

Hi Vito ra Yesu Kreste, a swive tano, Hosi. Amen.

Tana, makwerhu wa mina.

<sup>315</sup> EVitweni ra Yesu Kreste, leswaku makwerhu wa mina a nga ha hanyisiwa. Amen.

<sup>316</sup> Tana, makwerhu loyi a rhandzekaka. Xikwembu a xi ku katekisi. Tisani manana haleno. Tanani, sesi.

EVitweni ra Yesu Kreste, u nga ha hanyisiwa.

Tana.

EVitweni ra Yesu Kreste, leswaku sesi wa hina a nga ha hanyisiwa sweswi.

<sup>317</sup> Ina. Pfumela sweswi. Swo fana swi ta humeleta ehansi lahaya, loko wo ka u nga kanakani.

<sup>318</sup> O Xikwembu, katekisa makwerhu loyi wo rhandzeka, wa xisiwana. Ndza khongela, Tatana wa le Matilweni, leswaku U ta n'wi hanyisa u n'wi horisa. Nakona swi endli swi humeleta leswaku a tlhela a vona ni kuva loyi a hanyisiweke, hi Vito ra Yesu. Amen.

<sup>319</sup> Vana na ripfumelo sweswi. U nga kanakani. A ndzi swikoti ku hanyisa. Ntsena Yena u kona kwala. Hi Yena muhanyisi. Mi nga kanakani. Fanani na Bartimiywa bofu, tshamela ro langutisa mavoko ya wena.

<sup>320</sup> Hi Vito ra Yesu Kreste, leswaku sesi loyi a hanyisiwa. Hi swona.

Tana, sesi, la rhandzekaka.

Wa pfumela xana, un'wana na un'wana? Hakunene . . .

<sup>321</sup> Swin'wana swi humelerile. Hi minete. Nakulorhi loyi a nga tshama lahaya, u na asthma, nkulukumba. Hi swona sweswo. A wu ri eku khongeleni. U hundzulukile, ku vula leswaku, "A swi sasekanga xana?" Ndzi ta ku byela nchumu wun'wana. Va tekile kwalomu ka mbirhi xa nharhu swa khwiri ra wena va swi susa, hikwalaho ka ku karhatiwa hi khwiri. Hi swona sweswo. A hi swona xana? Loko sweswo swi ri ntiyiso, famba-fambisa voko ra wena. Nakona hi valuveri un'wana eka un'wana. Yesu Kreste u ku hanyisile. Ripfumelo ra wena ri ku hanyisile. Tifambele endleleni ya wena, u ti tsakerile.

Oho, u nga kanakani. Pfumela.

<sup>322</sup> Hi swona, manana. U yima nyana. Sweswi, a wu tanga lahawani hikokwalaho ka wena. [Sesi a ku, "Ee."—Muhleri.] U tile lahawani u tela un'wana. ["Ina."] Hi swona. Nakona buti wa wena a nga kona lahawani. ["Ee."] Buti wa wena a nga kona hambi kuri etikweni leri. ["Ee."] U le St. Louis. ["Hi swona sweswo."] U le xibendlele. ["Amen."] U na vuvabyi bya mbilu. ["Hi swona sweswo."] Nakona hi yena, a ri muminstara. ["Amen."] Nakona u ehlekete leswaku loko ndzi nga hundza hi kwalahaya ekusuhi ni ku tlhandleka mavoko, ["Amen."] leswaku u nga . . . A ndzi nge "switivi" leswi ndzi vulavulaka hi swona. ["Ndza switiva."] Kambe ndza switiva. Swingaleswi, tifambele hi ndlela ya wena, nakona u ta hanya, ndza pfumela. Hi swona. Vana na ripfumelo. Ntsena tifambeli.

<sup>323</sup> Kuna wansati un'wana loyi a nga kona lahwani, a ehleketa swo fana sweswi, hi nhwana loyi a nga dlayiwa. Manana Weatherman... Waterman, hi swona. Manana Waterman, pfumela hi mbilu ya wena hinkwayo sweswi. Nhwana wa wena u tekiwe hi xikongomelo. U nga kanakani. Pfumela Xikwembu.

<sup>324</sup> O Xikwembu, hi Vito ra Yesu Kreste, leswaku a nga—a nga ha hanyisiwa. Amen.

Tana, u ri karhi u pfumela hi mbilu ya wena hinkwayo.

<sup>325</sup> O Hosi Xikwembu, Mutumbuluxi wa matilo na misava, nyika ku hanyisiwa ka wansati loyi, hi Vito ra Yesu Kreste. Amen.

Ma pfumela sweswi.

<sup>326</sup> Sweswi langutani. Ku hava murhi wo tshungula. [Sesi a ku, “Hi swona sweswo.”—Muhleri.] Kambe ku na vutshunguri bya le Tilweni. [“Hi swona sweswo.”] Hi swona sweswo. Wa swi pfumela xana? [“Hakunene.”] U tava langa kahle a tlhela a hanya. [“Ina. Hi swona sweswo.”]

<sup>327</sup> Ndzhukano, ndzi rhukana javulosi loyi a nga endla swo biha hi n’wana loyi. Nakona ndzhukano lowu ndza wu susa eka yena, hi Vito ra Yesu Kreste. Leswaku a va n’wana wa ntoloveloo. Amen.

Swi fanele swi va tano. Hi swona.

Ti fambeli, u ri karhi u tsaka. Hanya u tlhela u dya swakudya swa wena swa ni madyambu... Hi swona.

Tana, nkulukumba. N’wi pfumeli, hi mbilu hinkwayo ya wena.

Hi Vito ra Hosi Yesu, leswaku a nga ha hanyisiwa. Amen.

<sup>328</sup> Sweswo swi ba eka tindhawu to tala eka vayingiseri! Yima nyana. Leswaku, i vangani lava va nga kona lahwani va nga na khwiri leri ri chuhweke, hi ndlela yin’wana? Yimisani mavoko ya n’wina. Ntsena va tele, a ndzi nge swikoti... Wa vona lahaya? Un’wana na un’wana wa n’wina, u na ku chava ka le khwirini, yimani hi milenge ya n’wina. Hi leyi ndlela mi yi tshikaka. Yimani hi milenge ya n’wina, xinkadyana.

Yima u nga tshukunyuki, nkulukumba. Famba, u ri karhi u pfumela, makwerhu wa mina.

Hi Vito ra Yesu Kreste, u nga ha hanyisiwa.

<sup>329</sup> Tana sweswi. Pfumela hi mbilu hinkwayo ya wena. Wa pfumela, sesi? Hi Vito ra Yesu Kreste, u nga ha hanyisiwa.

<sup>330</sup> Ku chava, minkarhi hinkwayo swi tano, vutomi bya wena hinkwabyo. [Makwerhu a ku, “Hi swona sweswo.”—Muhleri.]

<sup>331</sup> Un’wana na un’wana loyi a karhatiwaka hi ku chava, na tinsu, yimani hi milenge ya n’wina. Tlakukani mi yima, un’wana na un’wana loyi a nga na byona.

<sup>332</sup> Fambani, mi ri karhi mi pfumela sweswi. Vanani na ripfumelo. Wa vona? Yima ehansi *lahaya*.

<sup>333</sup> O Hosi Xikwembu, ndza Ku khongela leswaku u va na tintswalo ehenhleni ka makwerhu wa hina, na ku n'wi hanyisa, hi Vito ra Yesu Kreste. Amen.

Vana na tintswalo. Wa pfumela sweswi, sesi la rhandzekaka?

<sup>334</sup> Hi Vito ra Hosi Yesu, leswaku wansati a nga ha hanyisiwa, Tatana, hikokwalaho ka ku kwetsima ka Xikwembu.

Swin'wana swi le ku humeleleni.

<sup>335</sup> Xana ya herile hinkwawo ka wona, Billy? [Makwerhu Billy Paul Branham a ku, "Ka hari na rin'we."—Muhleri.] Ina. Ina.

<sup>336</sup> Tana haleno, nkulukumba. Hi valuveri un'wana eka un'wana? [Makwerhu a ku, "Hakunene."—Muhleri.] Xikwembu xi hi tiva ha vumbirhi bya hina, a Xi tano xana? ["Hakunene."]

<sup>337</sup> Oho, ntsena swi humeleta hinkwako. Tsundzukani, swichumayeri, vamakwerhu va mina, vamakwerhu va mina vo hlawuleka va magama, loko ndzi tava ndzi famble lahawani, ku ringana mavhiki, mi ta kuma nhlengeletano ya n'wina yi ri karhi yi nyika yumbhoni bya ku hanyisiwa. Va hanyisiwile, kambe a va switiva. Wa vona? Wa vona? Ntsena swo humeleta hinkwako. Hikokwalaho ka yini hi ngavi na ripfumelo ra muxaka lowu kusungula hi swona, vanghana? Leswi hi swona.

<sup>338</sup> Wa pfumela leswaku Xikwembu xi nga ku pfuna? Wa pfumela leswaku Xikwembu xi nga ndzi byela leswi swi ku karhataka? [Makwerhu a ku, "Ina, nkulukumba."—Muhleri.] U pandziwa hi nhloko leyi yo ka yi nga yimeki. U pfa u va dizi. Swi vangiwa hi ximila lexi xi nga enhan'wini. Hi swona. Wa pfumela leswaku Xikwembu xa switiva leswaku hi wena mani? ["Ndza pfumela."] U muministara. ["Ina, nkulukumba."] Vito ra wena i Muf. Jack Cole. ["Ina, nkulukumba."] Hi swona sweswo. Famba, u pfumela, nkulukumba.

<sup>339</sup> Un'wana na un'wana wa n'wina, loyi a nga dizi kumbe ku pandziwa hi tinhloko, yimani hi milenge ya n'wina. Un'wana na un'wana, loyi a vabyaka, yimani hi milenge ya n'wina.

<sup>340</sup> Oho, Xikwembu! Xana ku nga humeleta yini loko swo va tano! Ku nga humeleta yini! Ma swi pfumela xana? [Nhlgeneletano yi tsaka yi ku, "Amen."—Muhleri.] I vangani vapfumeri lahawani, lava va nga khorwisiwa leswaku swilo leswi i Moya lowo Kwetsima? Yimisani mavoko ya n'wina. Ndzi ngaka ndzi nga swi endli swilo leswi. Mi va pfumeri xana?

<sup>341</sup> Tlhandlekananani mavoko un'wana na un'wana eka un'wana mi kombela javulosi a suka eka munhu loyi mi nga tlhandleka mavoko ehenhla. Swikhongelo swa n'wina swi kahle tani hi swa mina. Tlhandlekani mavoko, eka un'wana. Hi swona sweswo.

Manana, ehenhla *lahaya*, vuvabyi bya rifuva byi sukile eka wena.

<sup>342</sup> Vuvabyi bya xinuna byi sukile eka wena, makwerhu. U nga ha yisa mavoko ya wena ehansi u huwelela u dzunisa.

<sup>343</sup> TB, leyi yi nga na ntombhi leyi yi nga yima lahaya, yi fambile. Rivala hi byona. Yesu Kreste i ku hanyisile.

Leswi hi swona, vanghana. A hi dzuniseni Xikwembu.

O Hosi, U kona lahawani.

<sup>344</sup> Ndzi tshinya javulosi, eka mintirho ya yena hinkwayo. Ndzi tshinya mimoya yo biha. Sathana, u paluxiwile. U tshinyiwile, hi Vito ra Yesu Kreste. Ndza ku henhla, hi Xikwembu lexi hanyaka, huma eka vayingiseri lava. A wu nga va endli leswaku va kanakana, ku ya emahlweni. Moya lowo Kwetsima wu ti endlile wona hi Woxe wu va lowu wu hanyaka emahlweni ka vona. A wu nge swikoti ku va endla va kanakana, nakambe. Vatlhandlekeni mavoko. Yesu u teri, “Masingita lawa ya ta landzela vona lava va pfumelaka: loko va tlhandleka mavoko eka vavabyi, va ta hola.” Sathana, u lahlekile.

<sup>345</sup> Yesu, U winile. U Xikwembu xa Matilo. Leswaku matimba ya mavabyi na matimba ya javulosi a ya tshoweki, eka vanhu lava, hi Vito ra Yesu Kreste.



#### *KU KOTISA GAMA LOKO RI HAHLU* TSO60-0403

(As The Eagle Stirreth)

Hungu leri hi Makwerhu William Marrion Branham, ri chumayeriwile ri hangalasiwa hi Xinghezi hi Sonto ni ndzhengha, Dzivamisoko 3, 1960, a Municipal Auditorium a Tulsa, Oklahoma, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

#### XITSONGA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)